

懷古田舍詩節鈔

懷古田舍詩節鈔卷之二

漢軍徐 榮鐵孫

辛卯歲始春懷古田舍次陶靖節韻二首 陶集

本作癸卯沈端蒙本從年譜作辛卯茲歲偶同

故依沈本

食力不外求茲歲來易踐周禮譏游民沐食孰能免南

陽與莘野望古寸懷緬覺世無斧柯固不如獨善擊壤

安耕鑿清風未云遠向來書劍手迷路庶知返衣食謀

此身所得不爲淺

入世有貴賤在野無富貧東疇告春及四體誰不勤紛
然事耕饁盡室無閒人秧苗逮花穗物色日以新墉櫛
尙有待耘籽已可欣何須桃花源舍棹方問津雞豚互
檢校撲棗任四鄰陶然詠帝力樂此義農民

初三日白雲寺作

東風蕩雨作雲氣遮斷春山不放開和翠和烟三十里
濛濛吹上客衣來

梅花香破立春前流水空山別有天遙指海雲陰斷處
九衢車馬正喧闐

葉春塘參軍

夢草

屬題尊甫冠芳封翁芙蓉書屋

詩鈔

髫齡操翰學如豨心豔江毛社體詩

江秋河淵毛雲幢西躋乾隆間駐粵

漢軍詩人也

老輩風流今掃地中原旗鼓此同時樽前句好

兒能憶身後名高世未知它日西園數文獻芙蓉秋水足相思

聽松廬詩呈南山師

萬箇長松一畝廬萬山青處閉門居天風截斷紅塵路吹起濤聲和讀書

渡海

浩淼天吳國長風吹怒濤船如鷗不定帆與浪爭高世
事足三省浮生真一毫向來飛動意到此不能豪

李鄉甫觀察畫古人像分賦得十人

諸葛忠武侯

明明伊周心兩表懸日月先主儂於吳丞相乃北伐

杜工部

平生比稷契功名未可必孔門如用詩先生早入室

溫飛卿

才名八义手飲興百提壺辛苦方城尉屈流掃地無

張橫渠

勇哉撒皋比橫渠見程子嗟爾新政人惜其不聞此

羅豫章

豫章見龜山驚悟三日汗遂枉過一生我今廢書歎

常開平王

仁者必有勇勇者不必仁奇哉常十萬不戮贛州人

江國公吳良

勇獨守衝難義不忘樽俎吳起非君倫庶幾祭征虜

宋國公馮勝

早歲名宗異心追樹下勳雲臺誰讀書此是小馮君

永國公薛顯

薛侯副北征一面令獨當我聞高廟言遙爲李廣傷

王文成公

學有體有用可見諸施行桓桓武鄉侯繼者王文成

中秋夜與葉春塘馮尹平游金山

聞卻秋城得月臺吟聲移向海西來十分風色催帆葉
一片秋陰到酒杯碧落置身關福命綠林聞客枉疑猜

笛江憂道
梗不來

人生一醉酬佳節如此江山更幾回

帆邊楓葉正紛紛一棹西風剪鏡紋
八戶嵐光涼未合
登臺秋色夜平分
前身吾欲問明月
今我公猶記德雲
大化無垠誰料得詩成一笑佛應聞

與家白舫吏部

謙

飲紅棉寺罷白舫留宿寺中予

與笛江歸學海堂卻寄

小飲不成醉歸途蘿月深四山分野夢
一雨洗秋心難
得連牀話遙憐擁被吟
下方殊未省天海夜沈沈

慶蕉園

宮保

保

屬賦吟風閣梅花

城市有郊坰移春入畫屏

公於應元宮建閣種梅數十株

十弓鋤冷月

一白寫疎櫺澹極詩難稱香初鶴解聽欲援看竹例巖

戶不須扃

十一月十九日冬至與劉獻臣

劫

古階平李曉原

探梅蘿岡洞

種玉田開百畝強黃雲割盡白雲香山深人與蜂同住

酒熟僧留客共嘗

山中人多養蜜蜂寺僧出自釀松寄生酒飲客

卜築不知何

處得去來空爲此花忙殷勤九疊蘿峯水送下人間又

夕陽

萬事無成髮漸皤今年四十奈君何一燈禮佛深憐拙

余是日四十一
初度禮佛

百里看花不厭多天地心同誰料得雪泥

痕在任消磨

去歲爲昌公
題詩壁上

江山風月無常主且辦年年

載酒過

與張益州往大良得詩四首

橘綠橙紅歲事催黃雲割盡晚烟開十三村裏豐年景
都入篷窗兩扇來

年年陌上晚桑稠寡婦村童任取求聞道秋來蠶葉早
今年寒造要親收

老樹溪南羊領鄉菊花風裏晚潮黃三間好著詩人屋

謂何介峯大令惠羣認取松尖獲耳墻

九眼橋西迓聖筵花街香透晚涼天珠旗翠蓋無人問
爭看龍家女八仙

壬辰歲二月十六日作呈李鹿坪

宮保

先聞湖南有趙

金隴之亂至是連州人排猶人謀往應之

竟有干戈氣天生豺虎羣可能安寢食不是得傳聞鳥
路懸春雨狼荒拓瘴雲哀哀秦父老痛哭待官軍

此事

此事匪朝夕聞來三十年妖氛九省蓄毒脈五房連齏

爾

天威挫傷哉

國帑捐

會匪詐爲村民訴提督海凌阿於路願導兵襲

及副將以下二十餘人並遇害

逋逃淵藪萃或者聚殲旃

湖南匪眾俱附於獠獠遂

偽稱會隆元年

知新田縣事王鼎銘練鄉勇拒賊前後六戰三月

某日死之王字新之山東附貢生

一死泰山重傳聞期汝真居然殺賊手不愧讀書人臨

難知方極平時撫字親應如強滑縣早晚下

恩綸

五月十五夜作

明月尋幽人虛室忽生白散衣步長廊心事浩莫測猶
嫌碧落隘歸鶴聲惻惻流螢爾何知花氣靜自得先生
閉門坐聽雨終日默有時一窺簾芳草可憐色人散月
正晴莫負此頃刻

聞覆軍

五月二十
二日之戰

不見捷音歸勞勞盼合圍七旬遺地利一戰損

天威頗恨將牢過誰云議勦非壯猶元老在好賦北山
薇

慮善充博士弟子示之

辛巳移家時汝生甫八年誦詩迄殷武病暈方困眠呻
吟語祖母几席行當遷慎勿損吾書索置蕉牀邊挾之
往新宅路人見猶憐我母顧汝慰小時何了然忽忽歲
十九莫能辨烏焉不謂汝不勤頑竅堙清泉拮撫糞土
英棄置芙蓉鮮使者謬汝賞我聞喜懼連世情重科目
謂此初階賢親戚有投贈卷轍來駢闐汝生戀祖母保

抱提攜便不見汝有成告祭淚灑筵粲粲黃金花生紅
披兩肩居然謁宮牆蠶爾問豆籩少陵亦有云達者升
堂先男兒志十五弟子行三千自顧汝何居愧汗當跼
蹐汝父有慧稱十歲文成篇十五領青衿有作萬口傳
中間一蹉跎歲箭忽脫弦四十今無成撫念恨莫填汝
質况魯鈍汝業當何專我師萌溪子浩浩體用全我友
林曾熊月亭勉
士笛江行高而學淵五經古井丹三絕今鄭虔
此人皆汝師汝業當何專歲月不汝貸覆轍我在前因
最遠成歌念哉宜勉旃

明月

照人兼照鬼明月此中元
珠海仙歌漾蘭盆佛事尊
誰家思婦淚絕徼老兵魂
應有啾啾哭難爲主將聞

酷暑

酷暑難爲夜空階更已深
月涼猶火色雲厚豈秋心
安得鶯潭權去陪漁父吟
南風一萬里橫臥聽潮音

七月十六夜熱極露坐有懷舊游東笛江春塘

天開閣子圖畫裏我昔與君同
夜游一更二更海色動
千里萬里浮雲秋杉柵高臥亦不俗
明月拍岸波夷猶

四十年來老塵土百斛一洗胸中愁當時興盡悔歸去
謂言續鬻良可求君不處北海我未辭南州庚辛壬辰
忽三載明月此月樓此樓眼前有景不相見何必索處
方離憂宵來不樂誰與謀曠然濯足思清流瑤臺何事
馴野鹿玉沼未必便沙鷗柳絲不動火雲直露坐兀兀
聽更籌所謂伊人宛何在夢到珠江聞水謳

次日遂涼

酷暑難爲繼西風已颯然物情原忌盛天意本無權柳
往思邊馬林號惜暮蟬露團催菊蕊韶悵又今年

十九日大風

便恐吹山去兼疑挾海來一風連萬里白日遂昏霾伏
枕波濤夢沿江舟楫哀農夫差幸汝收割早禾纔

岌岌

岌岌此何日嘻嘻猶爾爲客來愁謁入酒熟怪花遲不
改驕奢態空經患難時白頭湯火裏望斷北來旗

寄樊昆吾都中

吾誰與語歲崢嶸不見窮途老步兵遠爲雙親營一飽
虛傳萬里博微名文無花煖吟囊澀杜宇聲多酒盞輕

豪氣如山今在否向來文史傲公卿

春陰四首 癸巳

兩三點雨溼無聲廿四番風吹不晴如夢如烟連上已
無花無酒過清明古句簾深定誤初歸燕柳重真愁並坐

鶯多少樓臺烟寺裏碧濛濛地畫難成

脉脉冥冥淡復濃桂堂西畔杏牆東眞成殢雨尤雲地
難仗吹花擘絮風擁鼻吟成驚睡鶴遊頭期過負游驄
從今識取東君面只在歌塵酒霧中

九十韶華一半癡三分春色二分遲鶯如有淚花應溼

柳待扶頭酒莫辭誰解較量蜂蝶恨天方斟酌雨晴時
朝來生意添多少祇有墻陰老茵知

白地紅墻路渺漫麴塵吹不上欄杆書籤藥裏新徽入
禪榻茶烟小夢殘人意無膠中酒似天時不定試衣難
青楓江上愁如海莫放傷春眼界寬

學海堂中草木詩

木棉

高棉據中路爲汝偏開門

先有此棉正當入門之路
阮儀徵師令移門避之春

來吐新火百尺燒晴雲江城望圖畫怪此生祥氛想見

懷百首全言卷之二
霸業昌呼鸞陪宿醺降王去執挺終古送斜曛

榕

疊葉積秋雨掀髯嘯天風君輩數百人乃在包涵中世人謂無用此用固不窮側聞龍門上百尺孤生桐材雖中琴瑟不能芘微躬

松

俎祿賤於土黃山多比苔連林眾所忽可惜巖廊材此地復何地乃有青崔嵬紛紛桃李花俯視如嬰孩誰能塵土中坐待生風雷

梅花

楊孚不可作南雪久模糊何來一慰眼坐見神仙姝亭

亭藐姑射粲粲冰玉膚人傳眾名士婚娶助阮孚

堂外梅花

二百樹爲秀子璞琨謝堯山念功諸君醮錢分種

還須覓鶴子歲寒陪老逋

桃花

依微青林中隱約紅氣散招呼作詩人載酒及花半東
風一披拂霞陣忽然換知非武陵源或比元都觀他時
憶道士定有劉郎歎

李花

百花皆畫賞入夜孰自明東郭有貧女姝靜工含情言

李必及桃世好殊不平七品豈爲屈

瓶花譜李花七品三命

九標

亦非榮

承平舊纂蕭瑪與陳叔達於龍昌寺看李花相與論李有九標謂香雅細淡潔密宜月夜宜白

酒宜

綠鬢白酒偶同賞綠鬢還自驚

竹

春風吹玉山百卉競紅紫山堂文雅地不可無君子初
來倚微醉漸久傷半死明年新筍生磊落青雲士寄語
堂中人名節定如此

菊

種菊繞山堂疎密依淺草秋來豎瘦姿開花爲誰好豈
無馬城園沈魏菊譜臨安西馬城園每歲重陽
謂之鬪花各出奇異有八十餘種糞養得
時早相逢詔千葉巧俗被花惱不如守籬落本質庶可
保

蘭

蘭生蒿艾中風來發其香昔人比君子實至而名彰香
必使人知知蘭猶未詳所以異蒿艾賦質原非常終已
無清風蘭也庸何傷

安石榴

朱夏有正色乃在榴房中赫然映朝日照耀南來風南
風吹夏綠微霜薦秋紅念此細微物萬里來西戎尙登
君玉盤士勿悲蒼蓬

桂

小山有叢桂偃蹇山之幽高人亦何心歲暮聊淹留偉
此冬榮姿丹心况可酬春芳諒勿競天行會有秋君看
一輪滿清香聞九州

鳳仙花

覽輝不擇地鳳兮德已衰香紅與嫩綠倒影巖間垂能

知五月水先見亦足奇子有急性名愛其可余規功業
兩不就白日寢已晷

芭蕉

芭蕉自云堅何如松柏枝松柏棟明堂亦有灰燼時芭
蕉舞南薰得意方離離螻蛄疑大椿渠略嘲神龜萬物
會有盡何須論速遲

蜀葵

曲欄逗秋影見此風露枝宛轉誰爲妍勸我黃金卮晨
妝與午醉兀坐看推移汝自傾太陽太陽豈汝私嗟哉

古忠臣淚盡君不知

紫薇

木皮當春厚爾獨淨如澣有如全真士不衣而自煖開
花翔鳳小著色香霞滿歷夏仍涉秋經時媚孤館世無
紫薇郎誰作黃昏伴

棟

葉以食獬豸以餐鳳凰花開不嫌晚獨殿春風香桂
甘乃見蠹柳弱不自強堅苦以自持何必多文章護我
等身書脉望走且僵

以棟木爲篋
載書辟蠹

茉莉

蕭然荔枝鄉乃有五月雪藹藹鬢華垂乙乙丁香結山

堂午夢醒茶味猶在舌眷此良嶽芳

丹鉛總錄良嶽列芳草入此居一焉

入芳者金蛾玉蟬虎耳鳳毛素馨渠那茉莉含笑也

傍砌手親折臨風方坐忘強

勝漫分別

木芙蓉

繁霜滿天地鮮華方在茲旦旦發新花悠悠辭故枝歡
言一樽酒還與斜陽期秋氣共誰得春風儘予欺渚蓮
詎同調知己惟東籬

鶴草

杜鵑出西蜀金鳳來幔亭

宋劉圻父金鳳花詩結根幔亭峯弱質深自保

胎仙

亦幻化南方留典型紅蕉聯近族碧蕙分遙馨兒童一
招手宛爾翔修翎載我遠游履去訪遼東丁

佛桑

江總賦南越日及首致疑君謨感耕園空山惜奇姿掩
映牡蠣墻赭熾珊瑚枝榮瘁一日閒勇退能自知賞心
既相值留戀夫何爲

題王道士琴英酒趣圖

道士名刪獨本江南諸生游羅浮愛其山水遂棄儒

巾居
之

王師能琴復能酒飲遍江南無敵手囊琴偶作洞天游
脫卻儒巾亦何有拂雲沿路譜松湍叫絕黃龍天半奇
誅茅宴坐水花裏雨怒風酣琴寫之琴聲水聲兩清絕
催上林梢一朶月舉杯天上問成連天風海濤定何物
朝來寄我一尺圖白雲在天秋鶴孤連宵夢到鐵橋上
與君醉起相歌呼胡蝶裘斑竹杖杯酒重陽會相訪請
君彈我醉翁吟明月梅花爲息壤

石門江上觀颶風

罡風吹下一天秋大地茫茫我欲愁白浪湧山來樹杪

黑雲催雨戰潮頭澤中鴻雁誰安堵

西潦方張流移未盡安集

天末

魚龍爾壯游猶有舳艫爭利涉側帆欹舵幾時休

鄒貞女詩

湖北人夢夫方君自皖來取別明晨素服待訃及凶問至奔慰舅姑扶輓歸葬

擇子繼焉乾隆六年

旌

會假別離真宵來涕淚新世猶難一死誰更慰雙親馬鬣松楸計熊丸風雨晨亭亭女貞木綽楔表千春

招太孺人機燈課讀圖

招銘山同年

子庸

繼母也橘園太翁之喪銘山

計偕未歸太孺人躬課子女紡績自給時年二十七耳令子蘭舟今圖其事徵詩且述太孺人當日訓詞涕不能仰故爲韻之以當短引

有兄有兄時之英有妹五人孩始綳而翁家具車不盈田耶牛耶竹燈檠橘天園中書滿屋燈檠照汝三世讀阿妹鳴機斷還續咿咿答之夏寒玉東家西家琉璃缸芙蓉烟深羅綺香短布長編勿渠羨賈而富者翁不願宵來燈花五色輝毛詩上口布脫機阿母太息翁知之爲兒作襦兒且歸

風雨甚懷陳竺村龍山

攬海翻河不可當軍威真似助昆陽雨無其極連三日
風與之俱具四方大虎門東無信使萬魚頭裏有詩狂

竹棚簷瓦崔巍甚裏飯誰來慰子桑

自五月十八日西
漢大至竺村結一

竹棚屋上住今
五十八日矣

亦非臺與日厓上人坐月

月地不可唾霜天空自寒尙嫌花影亂何必酒杯寬萬
籟絕人境清香生夜闌秋心無著處作麼請君安

以上
節鈔

學海
下集

將之彙城述懷留別五首

不是年時遊子吟堂前捧檄負初心松楸寂寞阡誰表

兒女青紅債轉深

先隴甫成擬爲淮兒納婦不果

從此牛衣添涕淚向

來盡簡擲光陰若爲去住真難定莫把遊蹤比向禽

勸駕居然到冷官單車上道敢辭難虎應未識黔驢技

鳳况能憐客鳥寒

盧厚山宮保哈潤亭將軍許青士光祿韓雲卿都督周素夫分轉及當道

諸公皆有贖贈戶限功名居亦得家山風月別無端太行秋色

知多少手版支頤待飽看

萬里京師一束書故人投贈重璠璣驅來盡譽羊公鶴

壓倒先愁博士驢

諸同好多以詩文書畫見贈

此事千秋論得失師

門八載負居諸

謂芸臺相國師

山堂明日茶瓜會吟對梅花倘

憶渠

斫地王郎歌莫哀壯遊隨處足詩材漢南柳拂帆陰綠
嶽麓雲迎馬首開夜雪一瓊肥子國秋風八口越王臺
異時寄語龍川令爲訪先人舊冢來

四十頭顱休問天七千行李落花前雞豬魚蒜尋常事

雨雪風霜未了緣詩裏南邨虛宿約

常與熊笛江黃石溪有結鄰之約

畫中寒樹照離筵桑弧蓬矢知余者未有蘇卿負郭田

大丁灘

回回新淥轉仍彎六扇蓬窗紫翠環大小灘頭丁字水
淺深雲外米家山崎嶇路似人心險邪許聲催旅髻斑
聞道前途猶戒夜忘機誰得伴鷗閒

銀瀧

沿澗溯溪水花鳥無嫌猜天地忽異色知是銀瀧來雪
花立而吼石鎖無時開山容爲慘淡風聲助崔巍擔簦
者誰子足裂顏如灰萬口同一天力盡天不哀冥心付

紙船我生何有哉

瀧船至薄諺謂
紙船鐵楸公

燕瀧

左轉逢石尾右轉逢石頭石高水爭之水剛石反柔伊
誰設水石阻我南來舟巖藤漏微日山花俯寒流峩峩
千芙蓉溼翠漫不收臥遊亦不惡應接勞雙眸空濛怯
前路日暮啼鉤輈

梅瀧

我行上九瀧

九瀧銀金腰燕梅奔輪新韓也

梅瀧當其中萬馬從天來

勢欲吞孤蓬長年巧迎距寸寸彎強弓分明古州痕磨
石成青銅快哉北來帆一瞥隨驚鴻垂堂懷前戒危坐

方書空吟成武溪深一和瞿鑠翁

奔瀧

前船猱而升後船蟄而候掀簸洪濤中頃刻令人瘦孤
篷無根蒂乃與霹靂鬪微生寄黃蔑一斷安可捄愁霖
方助虐漫漫錯昏晝蠢茲媧皇餘不能補天漏盍起周
府君一一剡雲竇

韓瀧

少讀瀧吏詩今登瀧上船瀧山及瀧水與我皆依然惟
公昔南行恟恍此水邊戚戚望生還洵洵愁海天儂今

懷古日全前會錄卷之二
二
幸無負何爲自憂煎亦愧蝨國家萬里謀一糗守我餅
與嬰循分倘自全殷勤謝杯琰載歌嶽寺篇

白雞灘

漠漠杉林帶晚霞竹雞啼處近人家孤篷轉舵迎山色
羣石低頭避浪花雪意遠隨南度雁客懷愁對後棲鴉
綠蓑青笠歸來好買斷梯田種早茶

瀧子謠

瀧子謠瀧子悲上瀧下瀧瀧水知瀧流嚼我骨瀧石磨
我皮皮傷骨折不敢顧瀧船不前瀧客怒一船百斛四

人扛之兩人爲尾兩者鬢容頭而過身與石堅相持獸
有毛兮魚有鱗嗟我何者人爲身夜眠無衾晝行手足
皴長天欲雪河無人客行擁被勿渠嗔夜來韓瀧當醉
神

泐溪石室

福地誰遊遍逢山且落帆花溪腸九曲蘿洞口三緘掃
白餘糧少嘗茶滴水鹹陸郎眞賞別題字秘高巖

有唐陸羽

題名

平石道中

豈有光天裏公然魍魎行將牢渠太過姑息爾何名治
理綢繆早民風醞釀成古人頌遺愛不殺詎能生

花擁古今樹雲連金碧山青天開洞府此地絕人寰爾
自生成外吾猶卜築艱治生有耕鑿何意縱癡頑

的皜梅花發北來逢此林憐渠凡木伍觸我故山心明
月羅岡洞異時梁父吟一拋猿鶴伴常怯畏途深

吏惡原同盜官愁况責兵也勞舟遠送誰識賄公行自
昔王庚蕩何時客路平書生琴劍有拚得歎歌清

大寒日溫湯口作

畏盜畏風兼畏虎愁薪愁米更愁灘江城久盼平安報
野泊頻驚歲月殘一葉孤篷兼浪湧萬山晴雪擁爐看
愧聞泥上行人語修到渠儂也大難

入宜章境

樂昌未云樂宜章無不宜官能酌水飲虎有渡河時昨
怯狐狸窟空勞兵衛隨今宵解衣臥清夢好山知

温口泊

畫裏青山伴客眠刁騷篷背散寒煙夜來領畧詩人味
涼雨孤舟入楚天

百里

百里松杉翠不開片雲纔起萬峰霾九瀧十八灘頭水
迎我孤蓬一葉來

十二月十四日度摺嶺

扶醉肩輿發暫騰小夢殘冰危橋九折雲滑磴千盤坐
想豪儻甕誰能老據鞍霞天松雪嶺畫裏捲簾看

赫赫潮陽貶茫茫此路由南來吾道重北去好山稠今
古藍關雪艱難宦海遊一聲行不得深竹叫鉤輈

楚粵燕秦路鹽麻菽帛通萬人衣食計百里水雲中杳

矣蘇仙迹懷哉衛守功

衛

至今除傳役開鑿五丁同

嶺摺雲同皺溪寒水不流關心前路晚回首故山秋奇
石窺人過長林擁雪愁茅檐吾愧汝形役幾時休

良田見梅花寄熊笛江黃石溪侯君謨

吹花風起晝悄悄春入長途野興深十里斷雲埋雨雪
一枝疎影判晴陰逢君便作還山想除爾誰論出世心
寄語羅岡猿鶴伴夜來歸夢繞疎林

片帆

片帆柳岸轉逶迤樓櫓衡陽入望遲南紀風濤翻地軸

朱崖雲日阻天涯冰黏凍網老漁哭雪灑寒燈孤客知

寄語坡公還一笑我行都是少陵詩

坡詩云我行都是退之詩

耒陽縣

小邑知名久人傳阻水詩窮途經萬國一飯感當時死
傍離騷地生常稷契期九疑森不遠數衽倘陳辭

雪

一夜寒潦布被輕瀟湘曉色與天平難分樹影和山影
只誤雲聲是雨聲篷背壓低詩夢穩鑪頭煨煖酒杯清
憑誰喚取營邱筆方丈雲藍畫水程

楚望

腸斷湘流碧玉鸞
鷓鴣啼處竹斑斑
洞庭木葉秋搖落
嶽麓風雲晝往還
詩與杜韓分物色
人因屈宋重江山
陽臺只在斜陽裏
望斷娉婷十二鬟

岳陽樓

我持蒼玉笛吹上岳陽樓
對酒無今古狂歌近斗牛
江湖前路晚風雨
楚山秋民物關憂樂
誰知過客愁

十二月廿四日過洞庭湖

夙懷滄海志來泛洞庭湖
歲晚南風少天長片月孤
平

生輕險阻心事接虛無借問蒙莊叟知余九萬圖

黃鶴樓放歌

天蒼蒼雲浪浪八百里湖波渺茫英雄割據事反覆壁
赤洲青吁可傷陶庾風流又衰歛黃鶴一聲煙水長黑
貂之裘白接籬我來欲和崔公詩菜傭屠酤盡白眼惟
有樓上回仙知勸我以酒我醉不能持授我以笛我懶
不能吹青天白日不覺遠仰視高空雲氣晚不知何意
戀紅塵璇室瑤房不思返前水後水相續流南樓月色
何悠悠詩情寂寞桃花廟書札荒唐橋樹洲君不見白

銅鞮中花滿頭漢江壘土成糟邱詩成擲筆水雲裂驚
破萬頃琉璃秋

大別山

刺天羣岫半無聞禹貢篇中早識君豈有煙雲生大別
恰當江漢此中分龍蛇古殿飛騰勢鸚鵡晴洲錦繡紋
誰采溪蘋薦明德樓船來往日紛紛

正月十九日麥仁店梅開一枝感寄笛江君謨石

溪 甲午

看盡南枝歎轉蓬北來春事又忽忽夕陽蹙駐麥仁店

首歲初逢花信風塵面愧君茅屋下鄉愁遣我酒杯中
羅浮煙雨羅岡月何日仙鄰一笑同

蔡州五首

東風攪寒雲吹我車輪重林鴉翠初染隄柳綠猶凍行
人懺泥洹田子歌飯甕纏繇雨雪緣寂寞鶯花夢

叔度牛醫兒名聲滿天壤林宗託神契羣爾要非黨法

法溱何流汪汪量何廣古有今豈無行矣不暇訪

溱頭河是

郭林宗訪
黃叔度處

我行自海角忽至天地中四顧真橢圓千里郊原空肅

然正其心藐乎愁我躬北征殊未央日送南飛鴻

天中
山在

北城

我阻蔡州雪前人此成勲咄哉橋下人先知相公軍韓
碑夙所誦訪之帳斜曛徘徊城上甑恐有唐時文

張范約雞黍不間於歿存今者輕小信古人重成言小
事苟有渝託寄安所論凜然拜叢祠信宿金鄉邨

北池渡

車行怯水渡惡俗多牽纏北池有義渡徑渡不取錢有
橋舊傾圯云自辛卯年西平苦霖潦下流吾蔡偏老蛟

挾洪河東來奪民田君看萬頃波民賦歲百千遺黎困
徵比痛哭看淪漣自茲行旅愁游泳亦莫前曰婦張栗
者義激簪珥捐罄其女紅資頃刻具七船族人資助之
操刺吾所便我聞始蹙額再聽神悚然南來經幾橋咫
尺羅璧瓊豐碑表微功猶思千載傳峩峩懷清臺皎皎
貞女泉南山有貞珉此事當磨鐫作爲北池詩用告當
路賢上請蠲浮租踏地賦可憐下請成輿梁王道原平
平惠歸一寡婦鬚眉何取焉勿輕芻蕘歌垂詢載曩篇

發臨潁

驅車發臨穎曉色何澄鮮高城表餘霧危橋界通川樓
存記德星事往今則傳豈惟美風俗兼聞富林泉伊誰
抗風榭梨棗羅堂前昌黎我輩人卜築期終焉因循舍
之去蹉跎疇使然鱗鱗豢龍池塵鞅不我湔形役方自
茲洗耳愧昔賢

過許昌作

晨征及星飯霧露膏我車春田麥初起煙樹青猶疎行
行過許昌遙遙想黃初爭雄彼一時沛乎獨有餘粵維
富形勢豈直當圖書時運一朝謝聲名千駟虛能臣晚

自悔狐媚今何如南來訪城關北望皆邱墟遐哉廣武
歎陋矣雍門吁

洧川道中

渙渙新流洧水濱我來不及秉閒晨多情只有官橋柳
肯替遊車拂路塵

東里風流德不孤張場朱曲任人呼欲知遺愛今多少

兩地猶爭國大夫

朱曲在洧川縣東十五里以宋行人朱少章寓此得名又名張場以明人

張森官此得名實古東里也場北東里岡上有國大夫祠案新鄭東里亦有國大夫祠新鄭古郟國地此爲是也

正月三十日次汴梁作

客裏逢唐節花時入宋京人煙連水碧城柳接隄平對
酒無高率行歌懷友生吹臺一長歎飛藿暮縱橫

朱仙鎮是岳忠武奉詔班師處

如山浩氣沮朱仙漫說黃龍痛飲年咫尺舊京徒北望

此離原廟久南遷孤軍縱使能深入槍先請張俊楊沂中等歸而後上言

飛孤軍不宜深入蓋是時中原無復宋師矣大義終愁責後賢想見兩河干

萬騎一時迴首哭冰天周禮曰違而前進則是有跋扈不臣之心雖功蓋天下罪亦難

贖誠哉論也觀忠武取詔書示郟城人曰吾不得擅留精忠心跡千古如見

大梁行

博浪沙擊不死秦始皇朱仙鎮呼不起岳鄂王讀書萬
古兩恨事一日併入愁人腸大地何茫茫我行入汴梁
繁臺良嶽杳何處金明池水空垂楊石獸不解語金隄
徒設防當時講紹述禍起君親當汴流浩浩何湯湯崇
正以來田可桑古今水火誰最烈明之周府秦阿房山
川人物已非昔我來訪古愁斜陽獨愛信陵君擊秦氣
慨慷屠沽場中結豪客今誰其人吁可傷去訪監門老
兵飲酒酣四顧塵沙黃

柳園口渡黃河

看盡中原萬里春
勞勞舟楫送征輪
金隄水待桃花汛
王屋山爲荷葉皴
北望極天惟草樹
南來從此試風塵
他時夢裏還家路
重疊關河認不真

車騎關

車聲搖夢聽班班
幾日風塵變旅顏
看到垂楊如水綠
來經寒雪灑衣斑
春愁故故花邨店
夕照迢迢車騎關
和翠和煙一千里
馬頭看煞太行山

湯陰縣

下邑生名將餘輝照太行人云爲社稷天意屬綱常憤
自千秋有忠須一死償黃龍如痛飲不過郭汾陽

醉時歌相州道中作

上不能功成辟穀歸五湖下不能棄瓢高臥歌唐虞驅
車僕僕走梁魏輿臺側笑青氈枯問我來何爲自冬歲
已徂歸鴻倦知返高雁飢自呼峻阪困鹽車伯樂今則
無鵬舉老兵耳稚圭一豎儒古人先我成名去崔宗不
遇知音孤崔立宗澤新豐酒老瓦壺賓王書記猶窮途我今
一劍又蒯緱尙能茗芋提葫蘆人生自苦不痛飲總帷

歌吹非良圖君不見銅雀臺荒荆棘區明朝往笑曹瞞
愚

邯鄲題店壁

夢耶黃梁泡耶王郎幻耶影耶挾瑟邯鄲倡廉頗相如
盡黃土功名露雷初何常我過叢臺不回首醉酌蘭家
店中酒超然惟憶魯仲連解紛笑卻千金壽

黃梁觀

夢裏曾遊到復猜人間那得有蓬萊一牆便隔紅塵斷
廣殿都臨碧水開柏老欲隨龍化去花深應有鶴飛回

不須更說黃梁事門外勞人幾箇來

黃梁觀次壁上韻

一形萬化任陶鈞栩栩遽遽莫認真那是本來明上座
請公還我醒時身

金提鋪

漢郭巨埋兒獲金處

豈不傷親心計不及于此當其窮迫時惟知有親耳親
瘦不復肥兒死可復生化及其妻賢平居想真誠獲金
有文曰天賜天曰孝矣誰敢爭

趙州

牢落窮途萬里紆，獨來塵海泛輕車。
追人鄉遠驚沙合，平棘城開夕照虛。
濁世翩翩趙公子，死人慄慄藺相如。
誰知瓦店悲歌意，不爲荒涼古迹餘。

題治河店壁

故鄉回首渺天涯，望近燕雲似到家。
萬里一羶嘗雨雪，百年三月負鶯花。
功名豈有乘軒鶴，辛苦仍逢攫肉鴉。
卻笑晚來清供得，滹沱麥飯趙州茶。

客路

冰解滹沱見柳芽，茫茫客路極風沙。
遠塵似水常浮樹，

歸雁如人也戀家龍吼尙餘三尺劍雞棲從笑獨輪車
清河東去肥壘近敢道吾行未有涯

二月十五日抵保定

百日勞裝指信都七千回首謝長途書來久盼秦嘉婦
足繭深慙穎士奴已分短盤齋苜蓿未應長柄問葫蘆
明朝走馬應官始斂版低頭辦得無

十九日發保定

難解長亭官柳嘲絮迎花送雨梢梢重來旅舍客爭席
無恙雲山僧打包枯槁轍魚誰煦沫往還梁燕自營巢

肥纍城裏如舟屋聞道秋風有破茅

水仙花四首

一墮紅塵幾更舊游迴首隔蓬瀛三生自懺黃初賦
兩字猶懸碧落名莫倚清流工玩世人言春水事干卿
江頭花月鷗盟在蜂蝶無因識性情

風裳水佩是耶非鏡裏姍姍倩影微一剪陰輕宜共護
十分春到已先歸閒身偶現優曇鉢好事何須金帶圍
寂寞梅溪茶隴外歲寒兄弟且相依

瀟湘簾子漾疎煙雲母窗明欲雪天盡日相思臨水際

一寒如此自風前難忘河畔支機石豈有人間種玉田
乳鉾峯峰春盎盎浮生何處不儻然

如水蕭齋供一枝盈盈脈脈復離離更無塵到淩波處
微有香來坐雨時茶話爲君嚴選客書禪陪我默臨池
何因不入騷人傳好爲靈均補怨詩

以上節鈔
癸瓊集

三月二十日買牡丹一本居人不識皆云是芍藥
也

珍重春風第一枝何因流落也天涯比來芍藥休爭價
開到荼蘼已後時天上珠胎誰解惜塵中玉面我猶疑

碧文圓頂黃甃斗三沐三薰可得知

寄輓樊恭巖師

萬里傳凶耗維桑失典型哀憐肥子國望斷老人星伏
櫬志千里開山功五丁

駐粵旗人應
試自公始

蹉跎一矜斂誰與

問蒼冥

直道今猶古奇懷老更新癖惟山水最學取性情真記
日事無隱編年詩等身方言今絕筆載酒復何人

三年枯望眼去去竟何成負米傷吾友憑棺拚此生櫬
書勞負荷瀧表待經營莫被風吹倒懷哉貽令名

公卒
十日

令子昆吾始

自京師歸

冷官仍事業薄祿亦恩暉
詢別言猶在論心志又違
葫蘆長柄少蝴蝶上階稀
回首負明教明年騎馬歸

月夜獨遊河上

河聲如雨夜漫漫楊柳西風變
晚寒明月不隨流水去
壞城遙當遠山看騷人憔悴行吟易
遊子蕭條去住難
珠海珠江千萬里當時霄欠一漁竿

水仙花

人間難覓影娥池
夢落江湖祇自知
碧海琴心千古恨

東風花信隔年期一寒至此天休問到處逢君我欲疑
老瓦盆深拳石凍向來丰度可相宜

宜休

春風吹雪上人頭無復車前夢八騶半世功名青鐵硯
窮途性命黑貂裘兔葵燕麥荒庭感藁學無完塘兩
庶惟基存耳北

斗南箕素食羞北齊書
邢邵傳借問中條老居士量才如我幾

宜休

長日

長日無來客荒城少四鄰庭椿涼送影籬鳥熟窺人衰

夢風雲減官居木石親此中堪避世多事憶鱸膾

荒城

夢裏河聲撼屋斜荒城孤繫感匏瓜打頭屋漏牀牀雨
捲地風來日日沙萬里還鄉輸旅雁終年黏壁笑枯蝸
妻孥不信裝錢乏苦問歸期望眼賒

藁城雜詩十七首

高柳沿隄咽暮蟬城頭廟口夕陽偏如何咫尺滹沱水
不泊東吳萬里船

滹南儒雅亦吾師想見登山一笑時猶有祠基傳縣學

菜花黃過草廬碑

溥南王先生祠堂碑元吳澄撰虞集書祠今鞠爲園蔬矣先生名若虛字

從之金翰林直學士崔立之變拒不爲作功德碑後游泰山至黃峴峰一笑而逝著有庸夫集溥南遺老集

不見城西萬柳亭五家莊上柳青青行人惟說尙書墓

寂寞江天處土星

萬柳亭石文介公瑄建今圯張司寇子麟墓在五家莊案府志安徽仲先

生墓亦在五家莊袁樹誌之今無攷矣

神宮寨古僞齊開會共閒人訪畫來平頂槐南牆上水

雷聲電影費驚猜

神宮寨在趙莊碑記劉豫時居人避兵處曩與籍毅菴家笠樵遊此古柏

參天牆上畫水一筆數丈洵洵如有聲然蓋名筆也

荒坂斜陽記示衣一朝十七郡咸歸聞風百世猶興起

鐵漢人傳張彥威

顏常山示衣坂在縣北三十里元張桓字彥威襄城人罷御史居確山汝

寧盜起聞其名襲獲之羅拜請爲帥弗聽囚六日不食罵賊死賊相語曰張御史真鐵漢也事聞贈禮部尙書

諡忠潔

董相墳西古九門野臺風急易黃昏驚沙壓倒開皇石

誰識當年鉅耳君

集古錄隋鉅耳君德頌碑字畫非歐虞不能雕邛雜錄謂此碑及隋李康

德頌碑皆在九門廢城中今無存矣

梅豆籬疎晚正涼晚西花放月如霜臨榆傳老當來過

花下先安缺足牀

謂傅宗魯教諭毓沂

大椿如斗北簷前椿子椿孫已及肩插棘編籬親護與

老頑今被五椿牽

昌黎庭楸詩我本自頑情重遭五楸牽余庭前恰有五椿故云

六月南濠積雨平茫茫官葦夕風清
愁人欲寄江鄉思只揀蛙聲多處行

汲水埋盆養鳳仙家家籬豆及秋妍
椿栽滿地無人顧此事須論八百年

對酒當歌興不疲張家兄弟最怡怡
如何不把吹雲笛

來唱先生感遇詩

張其湛張鳳翼

小范威名鎮學堂時收學奉走文場
歸來贈與鳴牙餅

助得先生五日糧

范光趙

耿李張樊壯學年老雲老矣硯須穿徐邨小石名家子

珍重東溥稿一編

耿龍光李宗良張鴻賓樊鳳三樊修身玉卿雲石夢白

歙州青石勝青州石面波文膩不流割贈一方慙老鏡

無心更作漢春秋

趙州李自鏡

鰥鰥羈緒掩虛齋萬里書猶問館娃直是飢來驅汝去

漫將高行比乖厓

婢小蘆年十三能識字矣常思其家靈邱去冬余將北上嫌其累重召其

父來還之

無事齋

齋名

南杏似霞來時照我下征車今年吉兆占茄

落明歲無勞更作花

朝陽寺裏蘇庭寬託鉢無僧欲訪難
忽憶海幢香火社
棋聲花影午窗寒

空簷

空簷寥落數歸鴉
萬里西風日又斜
入夢遠勞珠海月
相思愁問玉窗花
參庭幸免腰頻折
作賦猶能手入叉
莫笑平生盡氣力
一羶贏得老天涯

九日閉戶獨對菊花

無人來伴賦登樓
負手荒籬當出遊
萬里山川重九節
一枝風雨故鄉秋
乞錢古有蘇司業
作宦今慙馬少游

歌舞岡頭今日酒幾人歡笑數觥籌

枸杞

枸杞何年植森森雨一叢偏依千里客欲笑白頭翁實
作櫻桃看盤兼苜蓿充有靈當自晦莫吹晚雲紅

紀游詩六首

一船載圖書一船載賓友一船載姬妾此樂真不朽誰
能爲此謀峴也彭澤後當其適意時選勝命歌酒山水
驚知己魚鳥皆我有何必營園亭奚煩匿林藪丈夫志
功名僕僕牛馬走衡石程文書鳴琴對枷杻後堂羅絲

竹不暇一回首所以狂達人鳩毒視章綬快哉湖海心
白眼看宇宙

阮修性簡任不喜見俗人有時忽興發褰裳詣所親至
亦無一言相對惟欣欣百錢挂杖頭遇酒眉始伸放浪
林阜間魚鳥真我鄰富貴不足慕何有賤與貧淺哉諸
名士醵錢助婚姻何不吝此君獨樂終其身

袁公常獨遊偶然思飲酒路人皆吾徒何必歎無偶鄙
哉嗜勢子竊謂公我友請謁謝絕之拭汗方反走柴桑
亦達人貴賤無薄厚有酒輒爲設遣客當醉後此客明

造門不知與語否

沈公豬鼻車園田恣遊戲有人與馬三無人與馬二春
風吹遊絲靜者意先會當時法度土未免譏簡易天工
苟無曠何害三公位今時漁利子齷齪寄丞倅籠街飾
呵殿以爲嚇人地深居算百姓孰肥孰顛顛嗚呼官曹
清爾輩何足議莫嗤簡易人士各行其志

鍾山安石驢信轡尋春風洛陽康節窩意行無西東流
連或僧舍牽挽由兒童卽景各有會長歌視高空一者
富貴後一猶貧賤中未知兩人心其樂同不同

劉几本武士換資中大夫出嘗騎一牛從之七女奴遊
亦無定所山陬或城隅倦來藉芳草興到傾酒壺醉則
更唱和撫髀歌嗚嗚有時卽露宿天地爲籛廬適心任
儻蕩從人笑豪麤

事見石
林燕語

謝公亦攜妓未免形骸拘必

詣東土山此樂誠區區

朝暮詩三首

朝飢不知食暮食不知飽朝暮何所思所思在遠道遠
道雙鯉魚昨寄平安書上言謀禦冬下言無斗儲入冬
當娶婦百兩何從具紅羅復斗帳空聞古詩語鞭長不

及腹寄書亦一癡毋徒溷乃公方和乞食詩

朝眠不知起暮起不知眠朝暮何所思所思路萬千萬
里勿言遠昨日鄉書返弱婦持門戶勸我加餐飯我飯
減昔時汝飢我知之墻蒿不穫粟兒女當何炊阿女已
學語牙牙定憐母可憐藁城人塊獨守空堵

朝坐不知午暮坐不知昏朝暮何所思所思在故園故
園昨寄書嬌兒可憐瘦阿原年十一五經讀已究長江
扇枕年明子五歲強鐙前縱高談慨然想黃香常笑陶
雍端未諳六七語歸歟五羊城狂簡吾誤汝

十一月十五日始雪江彝卿秀才

乘生

見訪用聚

星堂體作詩見贈已復同過沈春湖大令

巢生

小飲卽次其韻二首前答彝卿後簡春湖

夜夢披雲謁天姥授我玉龍使行雨醉中遺卻雙銅餅
手把天花自掀舞回風吹身墮西海忽似冰天招贊普
醒來凍觸身上衾開門訝失階前土飄搖夜雪積已多
掩抑初陽怯不吐封樹漚漚哭烏鵲屑雲旋旋添絲縷
窮途真歎黑貂裘長鑱難託黃精圃亦知冬烘老可醜
猶愛春華力當努泥塗蹙蹙東郭履冰鮮寂寞滄池罟

餓不午人自僵臥除道案行今莫覩君能乘興訪戴逵
我時爇火同鄧禹一笑新詩出懷袖激楚結風真樂府
環而誓者森號令強欲報之慙莽鹵冷官敢比鄭廣文
清談或繼王夷甫

壓夢寒衾僵可拄起來忽報瀛州雨荒院俄成剪水莊
重簾乍見迴風舞維摩丈室天花散大地山河佛光普
庇人幸有益頭茅老我真無立錫土坐惜綱茶碧乳凝
眼饑窘韭黃牙吐何知天公雨衣食但訝豐年征布縷
出籠餅熟問誰家踏地菘肥喜吾圃

官畦一畝今年皆令種菘明年

麥熟卽快活咨爾農夫力須努去歲辣龍惡作劇已見
城中置漁罟誰言水去乃生淤二麥連雲效堪覩今年
新埭築召伯春湖捐築城西河堤二百丈異時故道復神禹吾儕但
當無事飲請天況不勞明府已教光景表年歲會看膏
腴遍斥鹵斟羔肯爲出黨姬時糗猶能頌吉甫

裘成而雪

天公知我有新喜積俸半年成一裘欲試奇溫春益益
故教深雪夜浮浮十分暄意真思獻萬丈長裁未暇謀
且作家書問東里練裙葛帔去身不

水仙花

經年識面憶吾曾，
訴到相思語欲膺。
顧影自憐波澹澹，
試香初剪玉稜稜。
塵生複絹鴉頭鞞，
春透單衫鳳尾綾。
知我閨中乏良友，
終朝坐對未應憎。

我來

丙申

我來冀邑兩經春，
餓走東齋五廣文。

教諭望都葛君松
漕寶坻蘇君兆善

臨榆傅君毓沂永平程
君正誼交河蘇君啓綬

萬里羈人堅不去，
人傳西學解

餐雲

高碑店望西山

一層新樹一層山山外高峰雪未殘
曉日晴霞天萬里孤雲溼翠路千盤
眞思牙笏狂來挂不信瓊樓高處寒
布鞵青鞵遲辦得年年勞汝笑征鞍

題胡彤階員外

天墀

柳波春餞圖

不管畱行管送行鵝潭絲柳可憐生
看君畫裏鳴榔日觸我花時去國情
白髮紅塵今有分綠蓑朱紱兩無成
深頭多少閒田地昨夜柴門夢耦耕

偕韓樹之

德柱

遊西山四首

一片石

罡風吹老雲一凍飛不起青連古松化翠挽明河洗斜
陽一笠寒浩蕩無所倚

雙泉橋

下橋跨雲根上橋鎖雲根
白雲暮雙泉寒雲午雙橋
霽松風過橋來迎我入空翠

香界寺

紅牆界青山碧樹逗黃瓦
攀蘿赴所見一磴涼雲瀉香
界寂無人林風動簷馬

寶珠洞

寒乳垂千珠零雲揉而一高從佛頂現碧共苔花積終

古守蛟龍天章煥巖壁

書詩刻洞外 高廟御

四月四日鴻臚黃樹齋

尉滋

葉筠潭

紹本

編修徐

廉峰

寶善

黃架卿

琮

戶部汪孟慈

喜孫

陳頌南

慶鏞

招同馬止齋等四十二人江亭展禊卽送

孟慈所藏宋刻蘭亭入棗花寺人各有詩戶部

溫翰初

肇江

繪圖

歲月去我忽陳迹杳勿畱能展春一月正賴人千秋佳
招逮菰蘆羣公義綽儁懷哉往躅遐燕止高亭幽

此亭閱人幾此會昔未聞西山識幽約闖然赴斜曛我
從此山來予方遊西山歸遊蹤生白雲遲遲碧潭雨落落緇衣

塵

塵事誰能冥奇懷偶言契人遲東堂會時當舞雩繼時

粵祀禮成
慶榜將發

一朝浮雲合明日流水逝中觴發遙情永

和彼何世

世殊致亦異興懷非一途古歡諒難返名迹幸可摹仍
當付辨才副之主客圖欣遇果慙得此物雲煙俱

廖鹿齊員外牲孔熾庭編修繼勳招同潘谷香員

外 正 璩

梁矩亭舍人

同新

陳蘭浦

澧

簡夢巖

鈞

培

謝堯山

念功

龐乾生

文綱

四孝廉蔡淺洲刑

部

鑑泉

集龍樹寺

茫茫官葦夕陽深
盡做吟窗放綠陰
儘有風沙此煙水
不離城市卻山林
塵中歌酒容吾輩
夢裏江湖寄此心
莫怪長談驚俗耳
四年無復聽鄉音

六月七日大雨中邀同馬止齋大令

福安

黃蓉石

比部同年

玉階

石頭酒肆小飲

六月不一雨一雨三尺泥
淋浪天瓢翻九陌
流頗黎上

慰桑林心

至德通天倪早收縱不及晚種庶可犁吾儕亦何喜暑
退隨流漸車箱渡深水咫尺相招攜歡如賣簪珥情洽
剪韭畦故人不相見動以數載睽安知長安雨一醉葫
蘆提南望梅花邨永懷椰葉谿有田胡不歸丈夫恥醢
雞金門米僕僕四海車棲棲溶溶西子湖游迹倘未迷
時蓉石分比部止齋
待選而余將之浙江 甕酒方浮梁門駒已歌驢何不勉
此觴雨晴各東西

潘德畚郎中

仕成

琴隱圖

潘侯示我琴隱圖曰琴非琴心寄之自言從初閱世好
有見卽愛如渴饑英雄兒女及名士弓劍玩好圖書墮
二十年來世變熟凡百刊落遺毛皮坐依眠遇心語手
惟有三尺枯桐枝撫弦動操每一寄散髮便思尋海湄
青天白日不覺寔空山無人花落時我憶聆君叩清角
方秋風詠思沿沂綠窗恩怨小絃折敵場慷慨終篇爲
柔情壯志雜逸興異時好樂琴能知今者何爲自摧抑
枯隱或者非君宜君材千里渥洼產墮地已自誇權奇
黃金結客盛意氣白璧律已嚴威儀二十登朝眾所羨

指日謂可旌麾持風雲變化抒所蓄封狼居胥禽焉者
島夷市舶況習見侏離任昧通其辭傷哉無用易有用
中外利弊誰能釐吾謀適用

天子聖東南財賦無難治幾欲上書自薦達雖有高言

嫌位卑

擬伏書余實沮之一

第蹉跎遂三十髣髴漸茁領下

髭名心早灰亦其理道氣竟長吾猶疑丈夫之生具須
眉安能粥粥甘伏雌長林豐草不可處霹靂魍魎號熊
罷嗟君抱此不雕質曲高和寡非數奇廣陵散誰賞叔
夜鬱輪袍又羞王維何不碎之向燕市一旦成名如拾

遺方今廊廟登臯夔羣公知音有鍾期無爲更作山澤
想虞廷往和南薰詩

題馬止齋大令詩集

高車裝輪馬銜檠懸旌東指西湖月爲誰三日滯長安
貪讀君詩不能發君才有如舟濟川君詩高論橫秋天
山堂遠與君別者不見君詩今七年七年燕市一攜手
重啓談天醉中口龍樹茶煙伴午吟江亭葦浪搖春酒
一編冰雪當夏開白晝虛堂雷雨來萬里山川入譚柄
千秋人物上吟懷小儒讀書不經世甕裏醢雞自天地

翡翠蘭若儘世情，月露風雲豈天地。韓白歐蘇命世人，
先憂後樂同斯民。偶然餘事涉文苑，其言亶亶皆經綸。
從古春華要冬榦，曩者君言起予悞。我讀君詩正若斯，
經濟文章期共貫。男兒墮地五色毛，不能廟廊爲禹咎。
燕然名字又無分，便合裹足棲蓬蒿。縣令官卑豈堪說，
斂版低頭繫四足。雖然百里牧牛羊，猶勝九天唾珠玉。
漢廷賜帛等俳優，嗟君落落非其儔。我亦神仙望恍惚，
迴風宦海吹孤舟。孤舟沿江泝羅刹，爲問君帆幾時掛。
燕雲輿嶠曲江濤，回首知音天宇隘。同官爲僚不可期。

天涯比鄰安足悲誦詩他日足觀政言以人傳同勉之

以上節鈔

藁城集

畱別藁城人士

七月初六日

我飲藁城水不薄藁城人陶公亦有言數面成舊觀所

媿三年中虛名領陶甄堂皇有埃蕪行矣志未伸

方擬修建

兩廡事猶未集而復勞諸君出祖傾城闔彌增素餐恥益歎士

習瀉離觴不能御欲語傷我神

堂堂正獻家

董俊

一門忠孝全勝朝張

子麟

兩石

珩

名宦映

後先毋安此邦陋盛事今猶傳雖然此有命名世非偶

然不見安先生熙布衣稱大賢貴賤在時運聖狂吾有
權勗哉後來人相望道里千

平生讀書心於物期有濟心長苦才短謬荷斯民寄聞
人父母稱未答輒心慙羣公知我久何以爲我勵古人
畏友朋莫逃者清議今時稱幹材伊古重儒吏誓此學
道心報君送行意

雜詠十二首

道爲智者說馬爲御者良鉛刀貴一割何必須干將歲
月不我與燕雀乘時翔向來井渫占惻然心內傷車前

有丹鳥巧入坐我裳念此雖微軀願增日月光

風雨動魚龍仁義動君子銅山與洛鐘感應固其理誠

中必形外見遠由發邇愚人眎倉箱智者修耒耜爲事

而無功誰能中道止揚子亦有言積善至車耳

太元經第五積

良禾比君子胸胸而由由林木似名節輪困非一秋狂

華必蚤落珍實當晚收途遠到恆遲豈與尺寸謀朝善

薄蜩翼夕益希陵邱嗟哉杯勺源曷導江河流

寸鮪汎蹄浴芒蜎戀井李不知方寸外天地幾萬里坎

鼃傲海鼈缺登陋蒙汜蜉蝣笑神蔡朝暮測無始俗儒

管蠡見姝姝守一已大哉有心氏固矣無懷子

陵石常傲雨羌活不受風物情有獨立賦性如英雄奈
何夸毗子無骨矜圓融十重甲葉厚兩腳狐形工拂須
固呈媚拭帶仍懷忠仲翔獨骯髒此志將誰同

萬口同一聲官人甚烜赫問其所以然温飽美田宅古
人憂駟馬辛苦負莫釋此心苟喻利胡弗事居積世風
日滔滔薄俗誰與易九食而一耕望古心逼迫

君子實勞心堯腊而舜牯桀紂乃逸諺垂腴常尺餘吏
事等亂絲乙乙須爬梳居官有所嗜漸用委猾胥堂上

自清談風月門晏如豈知閭閻下側足相歔歔

龍升須浮雲周周飲銜羽紛紜女蘿絲袅娜不自主仕
宦重先容此語聞自古豈無蘭蕙花飛香出草莽顧我
蓬蒿人獨行本無輔誰能事竿牘終身庇人宇

城堅衝愈巧池深梯更高身蟲病猛獸鐵鏽蝕寶刀法
立而少生秦令空牛毛不如去盟誓忠信以自操在漢
黃老興畫一稱蕭曹聖人亦可簡紛更徒爾勞

敬帝惡羣鬼纏岳愁朋雲兩豆掩驚雷一葉翳大昕宋
酒美而酸楊佾譏狺狺一人偶場竈後見心徒殷民間

疾苦多露冕或倦勤門庭所有事期年君不聞

御馬端其轡恃筴而馬傷治民在司契恃法民無良天
行有常運春露先秋霜民散亦已久義路須人倡桁楊
與刀鋸苟免恥則亡鷹鷂豈不偉不如鸞與鳳

抱璧而徒乞國寶可以捐娉婷老不嫁何爲貴嬋娟直
木無曲影哀彈須急絃牆陰有幽會明日其言傳仁義
果明行令問當昭宣願與實事人載賡鳴鶴篇

七月十五日次江覺生同年韓莊店壁韻

平湖西去夕陽開客路遙懸戲馬臺波湧滄浪六月出

雲經芒碭帶秋來放燈正憶珠江節避暑難尋河朔杯
行矣違時歸忍餓一鞭歧路且徘徊

途中詠物二十首

柏

墳園老柏樹寂寞百鬼廷道旁足塵土霑灑無時停荆
棘又虧蔽洩忍耐晦冥可憐梁棟姿不得升明庭當春
集怪鴟入夜棲流螢緬懷嵩華間風日傳芳馨丸丸一
得地赫赫垂聲靈上枝拂星漢根柢通元溟羣真日來
往坐影談仙經千尋凜風概百代瞻儀型何爲此溷跡

抑鬱龍蛇形，高人有本性。不改冬常青，君看蒼鷲中秋。
至皆飄零涓流，有清德何妨儕濁涇。雖微萬牛用葆茲，
龜鶴齡但效拘突兀無事傷伶媵。

榆

蠹皮病葉臥荒煙，吹到西風意惘然。寄語平生劉子駿，
人生那得駐流年。新論劉子駿信方士虛言謂神仙可
學，余見其庭下大榆樹，久老剝折，捐
謂曰：彼樹無情，然猶枯蠹人，
雖欲愛養，何能使之不衰。

水衡平準漸無權，民困纍纍未易蠲。安得瑕邱逢朗老，

榆英一一化金錢。

酉陽雜俎：廬縣東有金榆山，昔朗法師令弟子至此采榆莢，詣瑕邱市易。

皆化爲
金錢

寄生槐

天上星精百尺奇，那容鼠耳上高枝。可憐辨別乖先見。

恨到青城納款時。

歐陽文忠公寄生槐詩萌芽起微葉辨別乖先見蓋爲王介甫作也

槐

曠道征人望眼昏，路旁堠子綠雲屯。定知指樹懷吳淦。

何必稱公媚長孫，眼底黃花驚昔詭。

鄭谷詩昔年相詭十秋風

夢中

紫綬感前恩，祇應常醉南柯下。甲子雌雄莫更論。

柳

風迎雨送慣年年多謝官隄柳萬千此去西湖春浪輒
鶯聲如海抱琴眠

憔悴風塵大道旁從今腰折不勝狂也思聽訟畱遺愛
恐被人嗤薛嗣昌

薛繼歐陽公種柳平山堂見墨莊漫錄

烏

掠面西風夕照低荒邨落木晚淒淒鷹貪鵲佞棲林遍
只有慈烏繞樹啼

落葉蕭蕭古寺中鳴烏彌勒一龕同乘輿不惜東封賞
臣亦能彎左腋弓

鷹

燕雀紛拏注目慵平皋一霎振霜鋒草間狐兔驅除盡
卻化春鳩去勸農

公道老

公道老多生於田塍鄰田爭畔者指之以爲憑公道老
毛詩無汝名爾雅無汝號三古以前行直道後來巧利
爭相圖耨鉏德色無日無爭地爭城猶丈夫嗚呼世人
愧此草我願天公不愛寶到處皆生公道老

魚

瓦河秋水遠連空十二橋邊夕照紅正是南人鄉夢醒
鱸魚擎出柳條中

馬

天上真龍種人間古戰場奇才因事顯不遇使心傷伏
櫪年華暮驅車道路長悠悠人海裏何處覓孫陽

葵

舊聞衛足散圓陰笑汝秋來老不禁結子漸多身漸重
垂頭無復向陽心

蟬

微生於世百無求
露葉風林自唱酬
塘雀網竿仍不免
人間何物始忘憂

芋

往時羹玉糝兒女
共炊煙粉滴秋匙
滑香添午饌鮮粉
榆愁一別藜藿飽
三年今日銅山路
鄉情被爾牽

燕

春社初來拂柳枝
雙雙猶記羽差遲
怪渠兒女添家累
不爲黃花住少時

羊

初平叱起又紛紛無復嵯峨伴白雲親將長鬚君莫怪
多君跪乳冠毛羣

螢

天陰月黑雨濛濛玉砌珠簾摸索中不爲冥冥還墮行
人間只有夜光蟲

鵝

莫共天鵝鬪羽翰而今兀地強蹒跚趨鳧賀燕滔滔是
俄首愁君入世難

八月十八日秋濤宮候潮不至

睡穩蛟龍晝不驚
秋濤宮外午煙清
萬人空巷三時待
千里澄江一掌平
他日枉勞弓弩射
清時只用鼓簫迎
羣公各有隄塘寄
明日馳封慰

聖情

九月二十二日雲棲山中二首

刺天松樹小於苔
到眼奇青撥不開
雙澗下山迎客入
片雲穿竹送秋來
名藍棲宿都關福
吾道行藏尙費猜
一壑一邱何處欠
閒身能辦政須才

翠旗玉殿五雲間

輦路蒼茫草色閒

皇竹久隨龍化去法華新遣馬馱還

嘉慶間寺燬於火僧鳳翔募新之井

請藏經藏焉

逃禪有客來依佛

謂潘湖門太守

請急憐渠爲看山一

聽鐘魚塵夢醒夕陽無計出花關

題陸錢塘

模

五峰觀瀑圖

我來錢塘七十日日看陸侯湖上山晴嵐溼翠有佳處
只欠寒玉飛潺湲侯言此物亦何有曩者五峰落吾手
借與湘縑一尺秋開卷銀河落天走永康百里亦一都
喝道籠街侯豈無松陰判事竹陰臥政恐老瀑嫌騶呼

此時真意入寥泬松聲吟聲和清絕喚起龍川論古今

峰下爲陳龍川講學處

邀來姑射看冰雪時人擁燭程文書堂琴

生塵誰與娛邨氓蹙額避旄羽雖有山水甯關渠嗟余亦苦塵纓束空向圖中想琴筑故鄉二樵名瀑一百二十三還君五峰吾欲南

十月十一日招同黃蓉石比部顏小沔別駕

其庶

邛瓊峰

以德

劉介江

廣涓

兩明府許子穆秀才

衛身

遊靈隱卽送蓉石歸番禺

曉翠空濛闕陰洞雲抱苔絲寒不動羣松磊落翻明漪

雨助浪花晴更奇，今晴昨雨誰料得。正爲遊人張水嬉，遊人千里復萬里。

邛雲南劉奉天黃自京師適來

勝會難逢天亦喜，君

如峰石偶飛來我媿，山雲常早起。百日作勞一日閒，一洗芥蒂須名山。溪源尋盡鳥留客，竹影橫陳僧閉關。落葉飛飛導前路，鷲嶺龍宮鬱煙霧。對門愁見浙江潮，颿色忽忽君欲去。君去蘿岡及早春，梅花問我尙風塵。聽雞聽鼓晨昏了，暫出西湖猶畏人。

响嶺

碧山黃葉卷纈紛，開出屏風錦繡紋。野竹漾青成積露，

炊煙浮白與高雲百盤健步爭寒鳥一路勞歌送夕曛
行入濛濛空翠裏路人遙望杳難分

徐山偃王廟宿

自笑天涯薄笨車名山看遍不關渠吾家山水纔相識
萬古煙雲尙姓徐仁義算來終有利蘋蘩羞罷忽長歎
溪聲一枕因緣了輪與宗豪聚族居

上唐嶺

積翠蒼茫阻去程金峰菴畔曉寒生田依澗水都成字
竹供僧糧各署名睡過霜頭苔磴穩飯餘雲背筍輿輕

上唐本是清明路廣州北門外有上唐邨兒時上冢必觸三年去國情經之路也

赤津嶺

投足幾無地到頭仍有天陰晴南北判一數人煙阨塞古今傳矮竹綠成海高茶香繞田關心昌邑近

大姑嶺

舊夢江天遠曩三過九江皆泊大姑山下幽尋此亦堪寒春驚竹霧

白屋表松嵐瘠土治生足清流洗耳慙龍聰纔咫尺不

暇訪靈潭

小姑嶺

大姑婆婆似中婦小姑亭亭宜晚妝青黏石骨杉浪湧
翠寫霞天松雁行林霧篩勻竹粉淨磴雲踏碎苔花香
吟筇挂過斷崖去白練一聲溪日黃

侵雲寺

孤翠逼遙天霜崖鳥路懸雲寒常戀佛石斷偶名田老
竹題詩澀高源試茗鮮梅花舊相識一笑別三年

侵雲嶺

下方延望尙勞神卻要攀躋敢信真峽束縊天危度馬

雲扶蘿石闖窺人莫將笳鼓驚山鳥猶恐松篁厭俗塵
一路看山到山縣萬山如畫寄吟身

西明山

十里航頭渡西明別有天清華餘水木窈窕出雲煙石
嫩難成洞溪驚不受船薄遊媿行役名姓未須鐫

望月作

空中世界湧玻璃八萬人家夢醒時不是年年煩玉斧
桂花應長出輪枝

遊具詩

蔣薌湖爲熊笛江畫遊具圖笠屐瓢杖葫蘆拂
子扇硯劍九而已笛江有詩邀予同作久無以
應征途無事乃憶和之

笠

檢點遊山具關心早晚霞

諺云早霞不出
門晚霞行百里

詩從嘲飯顆

屐併借田家一路行聽雨低頭側避花向來幽興熟無

夢落烏紗

屐

製得紅皮屐眞宜白練裙唯應去前齒相與踏高雲行

藥隨吳俗拋書侈晉勲浮生知幾兩趨競漫紛紜

瓢

屈指論家具隨身木瘦瓢潔和秋月貯喧儘夜枝搖詩
句隨流去禪機觸地跳晚來還煮酒風雨慰全椒

杖

世道危如此生涯老自疑吾師同出處彼相賴扶持黃
葉青山路斜風細雨時消搖聽田水跬步不曾離

葫蘆

長柄江南種何時落手中三升缸面酒十里杖頭風助

我詩情活催人鳥語同寄言陶學士新樣可能工

拂子

牛尾書來否龍須得未曾舉比空玉柄田舍祇麻繩羨
汝無塵子陪余有髮僧不須勤豎起試與問南能

扇

剪得蒲葵扇岡州舊有名招風雲葉舞遮雨瓦溝鳴可
稱章臺撫會爲中宿行多情謝安石風度一朝傾

劍

一片明河影千秋帝子哀人閒不平事誰遣上心來牛

斗今蕭瑟蛟龍正鬱迴不逢知己者挂樹且徘徊

硯

舊割翠芙蓉雲腴照眼濃歌中認鸚鵡池上起魚龍題
壁教僧捧鈔詩省吏供石交唯汝在湖海總追從

以上節鈔

丙檄集

十二月二十八日迎春作

一路春童簇翠旗春花須散十千枝

五色紙粘竹枝爲春花散之得者占

來秋豐稔

山含舊雪迎人出風引新雲著樹遲地脈已蘇晴

最好天心難恃喜還疑兒時歲歲尋春慣祝得梅開百

不知

歲除日作

堂堂年去復年來回首三年別越臺
珠海松楸應漸長
藁城桃李記曾栽文章老去知無分
政事新從媿不才
閒煞綠簑青箬笠歸歟休被野鷗猜

丁酉元旦

千山疊旦啓晨暉望遠何須掩赤帷
爆竹紅隨流水散
梅花香繞畫旗飛
綬組待雨開青隴
鼓角緣雲入翠微
田舍老公休嘖嘖
有田吾亦拂衣歸

梅舫老梅盛開

宰府婆娑幾歲華
塵寰容汝寄槎枒
昔依古榦已成葉
藤絡折枝猶放花
送老今年春又到
行迎百市日初斜
浹旬贏得香中住
清福從今敢自誇

訟庭

訟庭閒似野人家
印未開奩鼓未撾
自有溪聲來入枕
祇須山色與排衙
竹窗不斷四時筍
梅舫能留經歲花
老子婆娑更何事
鐵盆種火細聽茶

周春舫學博

愛棠

西湖春泛圖

染透湖山春一角，柳隄浪軟梨雲薄。筆牀茶竈自年年，
身在畫圖初不覺。別來鄉夢遂纏綿，寫上溪藤更可憐。
人生鴻雪忽忽老，夢痕總說前遊好。嗟余亦是宦遊人，
苜蓿盤中幾度春。看君兌谷思鄉處，憶我滹沱聽雪晨。
吏曹王禮英出詩冊求題，其人年七十六矣。工書，
恂恂無吏習，前舒白向王諸明府皆有詩贈之。
吏曹王子今叟矣，不染吏習，清而醇，記事無煩，遂昌志
贈詩半是乾隆人，老耽筆墨，本寒士閒看孫，曾稱幸民。
我與在官法戒錄讀之不厭，尤津津。

偶作

寒不求官衣飢不求官哺各自謀其生而謂官父母

山谷

枸杞詩送鄭彥能
詩母皆入麋韻

官乎試自問背汗得無雨桁楊與刀

鋸而忍鞭戮汝何用慰汝勤強教勝喫咻

春氣

春氣將濃社燕知東風吹軟雨絲遲梅花從此無人看
桃李漫山又一時

西齋

西齋牆矮得天寬牆角孤雲日往還莫放桃花過牆去

妨渠遮卻妙高山

金錢路

勞勞溪水逐巖彎
溪草溪花盡日間
一半波渾方浴鐵
二分雲起倏移山
新苔繡滿金錢路
怪石排成玉筍班
那得輕身如野鶴
秋來穿遍碧孱顏

五木橋

九芝山上曉霞分
五木橋南草色薰
嵐氣釀成三縣雨
松陽遂昌龍泉灘聲驚碎一溪雲
石中泥不逢王烈
天半松曾

識右軍

望松嶺相傳右軍望松於此

昨夜上方神虎出
筍輿閒駐聽

傳聞

松陽贈高竹溪明府同年

奇偉

勝絕松陽縣我來花落時
石屏開曉障山幅展春旗
灘怒閒鷗避雲寒確雉知
卽今無夜警聞道犬生聲

丙子二三年同年廿一年
大才多建節拙宦且鳴弦
魯衛吾慙弟巴喬吏似仙
贈余雙舴艋搖醉下晴川

淨居灘

灘淺不及膝勢乃五里寬
眾流匯淨居陡落百尺潭
我舟瞥隨之篷背花漫漫
舟輕水不受仍出隨驚湍
色然

坐四顧再覩天日乾未覺憤顏涇但怪裘茸寒人生有
坦途胡不從橋安

樟樹灘

榆溪繚而深樟灘直而豁地偏亂石據門險眾流奪未
到聲先聞滔滔殷天末高雲驚忽潰老葉危已脫青山
如癡聳終古遭恫喝灘旁有寒鷺久立不嫌聒急流安
得魚愚哉此生活

裕溪灘

灘流濶一里灘路危一綫灘船魚貫來船的水如箭排

篙指亂石一一與水戰一船犯而奔百舵莫敢先我帆
方順流陡下不及朏纜石避來船浙浙蓬葉顛遙從壁
上觀驚睡不敢噤

楊山度灘

西流發松遂南水兼雲龍齊行會楊度各以小水從欲
合未合間有山當其衝相見不玉帛遂乃尋兵戎是時
正雷雨濤頭助洶洶我船天上來凜若觀軍容一笑解
其紛送汝東朝宗

釣魚灘

我疑造物久流水幾時歇每聞遠灘聲常恐元氣竭誰
言釣魚嶺攔江插巒峯居然識此意蓄怒無使泄松溪
導聞浦雷電峭奔掣東流忽西折千里誤一蹶卻行吾
敢愁維險天所設

石佛嶺

老佛巍巍雲作依碧芙蓉裏坐忘時行人汗雨渠親見
鐵石心腸也皺眉

漫山無數杜鵑開淺碧深紅點翠苔若使此花還解語
勸儂歸去莫重來

西嶺

天半吟身一葉輕
筍輿鴉軋和松聲
路穿石罅盤空過
山闌雲腰出隊迎
勞汝林泉酬跋涉
看人兒女作清明
鄉心正似西流水
歸海無時暗自驚

嶺以西水皆西流

大柘

鳴鳩笑我勸耕遲
水滑泥融已滿陂
農事正忙分火日
春寒猶戀落花時
奇青塞路山千疊
短綠沿門柳萬枝
何處有人遙叱犢
雨聲雲影正迷離

石練

昌山十步九逢山不放吟眸一里寬萬壑千峰來石練
五雷雙瀑展晴巒風前牧笛吹雲過樹裏人家當畫看
欲向西巖尋鶴迹苔花如雪怯高寒

發石練至門頭嶺

朝程發石練步步青山稠一山一瀑布百瀑趨一流我
行其流沂而上萬派千源屹相向南山一峰窺客來珠
簾藏春朝不開北山一峰立磬折天紳高垂珮環綴忽
然當面峰峻嶒罡風吹雪花千層穿花披雪過橋去生
寒入骨吟須冰則阮以西態尤異掣電飛雷出天際瀏

灘頰挫獨冠時公孫大娘舞劍器其餘瓶翻玉屑霏如
繖蓋張瓊瑤圍霓裳絳繚冰柱折巾歌拂舞霜旗麾眾
流鬱煙霧我行入深處衙衙雙白龍來與人爭路路旁
竹葉二尺強七赤八白山花香纏溪裏澗看不見但聞
葉底花下暗鳴叱咤聲碾碾老蛟聞人聲側耳鬚鬣張
危哉一失足詩骨充飢腸我生有命且行樂因險得奇
殊不惡門頭嶺上問真源又逐西流下山腳

西鄉漫作十七首

白馬山巔雲氣稠何年遺廟古牆畱墻中聞有千年栢

常畏罡風不出頭

茶花開過小溪東
根據西溪曲似弓
行客到來常熟視
出君胯下是英雄

雁飛時節又江城
不見題詩玉帶生
剩水殘山無恙在

誰知曾駐老臣兵

精進寺舊藏文信國書夜起一律雍正間猶在嘉慶五年山水壞寺此書

沒無存矣

順治年間說賊存承平誰識是

君恩洞門疊石分明在一寸
苔花裏血痕

石門穿過路彌幽
翠壁丹厓萬綠稠
開遍杜鵑花十里

亂霞圍住棗田頭

西鄉田少石山多斷陌零阡也種禾辛苦吾民應有語

早秧纔下已催科

黃茅編瓦竹爲門萬箇青杉長子孫借問縣庭南北向

山翁八十未離邨

桃李漫邨映斷霞水梨開罷又山茶憐渠墻角枯椶樹

百醜千奇也作花

碓鏡邨西石壁蟠斷青遙映夕陽丹思量只是無門入

定有靈巖百丈寬

截竹爲筒引暗泉穿雲來灌嶺腰田山頭地角都耕盡
明日豪家報稅錢

微茫綫路認青苔逐水隨溪轉復回貪看奇峰遲片刻
落花先我下山來

照眼嵐光不可名糝雲含雨溼無聲千尋腳底浮花澗
都是空巖翠滴成

藍布長衫過膝纔一年一度見官來忙錢完了心無事
買得蘭谿夏布回

丙頭乙尾歲呼庚只數今年米價平自是老天憐汝苦

卻來多謝長官清

滾滾青山東向流
筍輿搖兀似輕舟
晚來風雨驚殘夢
纔出波心又浪頭

萬仞高巖翠掃空
獨山西去夕陽紅
瀕陽是我還鄉路
一笑無端到眼中

黑白雲花鎖碧苔
連天金碧畫圖開
懸崖生就題詩處
只欠如椽大筆來

朝對嶺下作

何處青山是盡頭
一重一掩路幽幽
雲中尙有人家住

花落時隨澗水流老我風塵遲卜築平生邱壑負羅浮
祇應書劍隨身在行遍天涯意始休

桐梗嶺

羣峰袞袞赴湖山攬轡中途駿足盤一臂插江遮去路
半天緣嶺入高寒人言雲外衢州近我信人間蜀道難
知否梧桐似山色待渠秋色試重看

湖山曉望

春色微茫聚野橋人煙雖密不嫌囂羣山自擁東西帝
兩水環趨內外朝天作陰晴娛隴麥雲來子午應江湖

東家若許捻書問我已風塵倦折腰

畚謠六首

種地一年熟種山熟十年種山不種地種地官索錢
朝行雲守門暮宿雲環堵開門放雲出一縷人間雨
山色浩如海晚來雲欲潮漂搖人字屋壓夢雨聲驕
郎樵儂束薪儂耕郎去草笑汝半世人相思樹中老

夫婦

出入必偕常笑土
著者爲半世夫妻

女兒好身手赤足稱花鬢何須金步搖自有竹皮冠
老鼻溯交廣新額齊漁棚外人莫異視吾

君等編氓

學政全書青田縣令吳楚椿畬民攷稱其自順治十八年由交趾遷廣東瓊州山瓊州遷

處州歷歷可攷且其人在處屬置有田糧廬墓業行並非賤穢祇因畚婦頭戴布冠與本處婦女稍有不同土著指爲異類廩生等惑於俗說不敢具保致畬民不得與試嘉慶八年巡撫阮元會同浙江學政文寧奏交部議准其一

體考試

逢鄉

山路懸懸指夕陽山行已厭喜逢鄉青苔社主三尖石
白粉人家八字牆煙起耕寮田飯熟風來樵擔野花香
思量便著蓑衣好駟馬高車憂患長

望石姥巖

天半晴雲礙卷舒
蓮華箭筈擬何如
棋聲入夜通南極

劍影凌秋倚太虛
猿鳥未窺元圃樹
風雷常護上池魚

巖高絕向無人跡相傳有樵者曾至絕頂見其花皆一枝兩色池上二金色鯉魚方掬取之晴天雷震怖遂舍

去梯田正好分秧候
莫擁青霞戀穴居

洋隴里至梭溪

攀翠捫蘿當習勤
遠隨歸鳥度斜曛
回頭怕看來時路
拂袖猶飛未了雲
到處總逢山萬疊
人間誰道水三分
秧田瑣瑣盤空上
辛苦寒鄉白火耘

鳴口殿樟樹

鴈口香樟樹人傳十畝高
蘚根盤几席雲葉走波濤
疑石題詩誤搜巖入夢
勞廟堂足樑棟君合侶蓬蒿

西嶺道中

山靜行人不易逢
山花遮斷草鞵蹤
溪雲忽上迷歸鳥

田水常留養蟄龍

西嶺下田數十畝淤不承足人牛無所施力插秧刈稻皆須乘板以行俗

名陷田水常不竭歲愈旱則倍收

穀雨近時宜焙茗
松濤疎處偶聞鐘

樵歌隱隱相酬答
知是元朝玉井峰

尹六峰會一堂在玉井峰下著有玉

井樵唱

官居

謫居何必詡蓬萊萬壑千峰一縣開官與老猿爭屋住
縣署樓上時有猿來踞之罵之即去雲隨候吏上堂來梧桐源近花爲壁

書卷山高翠作堆競說火雞圖識異步趨前哲愧非才

火雞丁酉也見湯若士詩湯以丁酉年令遂昌余亦恰值此年

長瀛

不知身已入圍屏邨擁嵐光萬瓦青牆石蘚紋丁字裂
洞門松翠午陰停人傳朔望郎君谷誰應江湖處土星
坐久悠然感身世泉聲催下赤山亭

舊市永安院

我慙桑下宿到此已如家白月三摩地清風七椀茶衣

冠輸傲吏

寺祀葉真人楹鐫北海碑聯云排金鎖謁紫庭爲帝傲吏法玉京坐元寺作仁宗師琴

劍負春華借問丁丁石煙蕪古迹遐

李北海書葉有道碑俗名追魂碑亦

日丁丁碑
今無存矣

石牛街

白馬山尖雲起樓石牛街下水齊頭多情誰似平昌雨
遠送行人到栝州

陪史侍郎

評

萬象山作

南明鐘磬隔江聞了了虛堂萬象分雲不離城爲雨易

山將赴海作峰勤，枯中文獻珍殘石。

越中名刻，惟此山有趙松雪書崇福。

寺記

天半鶯花送夕曛，說與放翁親見在秦郎。今日酒

微醺

放翁鶯花亭詩，故應畱與行人恨不見秦郎半醉詩。

金邨圩雨

未礙霑衣溼，真成擁鼻吟。與中聽雨便，樹裏看山深。水橫常爭路，雲疎不滿林。明朝應上尺一慰老農心。

堰頭

一夜潺湲惱客懷，曉程剛喜嫩晴開。溼雲各占峰頭住，宿雨爭浮水面來。船步鳥啼人未起，堰規苔沒字難猜。

良田今日過千頃誰識詩人通濟才

通濟堰治松遂兩谿之水溉田二十

餘萬畝蕭梁時詹南二司馬所作歲久蕪廢范石湖守括蒼始修復之書堰規載諸石有堰首田戶甲頭堰匠堰工船缺堰概堰夫渠堰請官石函斗門湖堰塘堰廟水溢遊掃開淘葉穴頭堰司堰簿堰山凡二十條今閻澗不可見矣

四月二十三日求晴口占

陰過蠶眠又柳眠午鳩啼不破林煙連朝雨檻將浮艇
四月山鄉未卸絲夢裏響驚瓜蔓水雲中寒損麥秋天
春花本是窮人活乞放新晴到野田

春花春收也俗佃田春收不與主分

答周獻湄秀才

光熊

高家三十五何日把旌麾詞賦流傳得琴書落拓爲世
間無夾袋窗下且毛錐萬里鯤鵬路秋風作意吹

老我青氈客潘花偶學栽自憐尊俎越休道繭絲才山
色如官瘦吟窗對竹開異時屠赤水曾訪老湯來

湯臨川令

添昌日屠長
卿客其幕中

七月七日循野觀稼

解駁雲光忽放晨出城時物已更新猴兒薑樹華亭筆
魚子蘭花金粟身久負雙星兒女節多逢半世笠簑人
待將何物酬辛苦乞與甘霖再應旬

八月初三日南壇祭

牛山臥郊南自我未嘗往一橋隔塵市便作林野想夜
來過微雨漱耳冰玉響盪山雲未收窺林日初上晨風
送遙馨麻黍亦以長庶將賽秋成和氣神所享

曉枕

官舍似郊扉晨鴉聒四圍涼隨新雨至夢繞舊山歸閒
味勞人覺今琴古調違向來笑沮溺用意未全非

中秋

峒曠山高夜色沈燈前鬢影照彈琴明年月向何方看

今夕雲連萬里陰上舍天人誰得雋

淮兒方秋試

童筵梨栗

競招尋遙知虛幌雲鬢冷折盡臨風一寸心

秋陰

雲邀微雨作秋陰君子山頭暮色沈一樣紙窗燈火夜不知何事動鄉心

贈戴明經

籍

卽題其蓮峰集

時明經省試未歸

萬樹嵯峨天馬山

君居獨山一名天馬山

天窗石戶雲爛漏一溪

流水隔塵世中有詩人常玉顏東樓峰前太虛觀

君教授處

鶴意猿聲秋汗漫長松飛翠竹圍陰供與詩人作昏旦

先生事業不可量先生弟子半平昌卽今行年已七十
猶貢天人趨玉堂男兒伏櫪志千里一卷新詩甯自喜
得志當爲稷嗣君隱居猶作文中子我曾古貌挹煙霞
我誦君詩人已遐東望湖山接明月天上秋風吹桂華
月洞風流今已換西野青城槃敦散辛苦臨川老鵠鶴
交得秀才纔箇半湯臨川每自呼老鵠鶴嘗謂在平昌得箇半秀才耳白雲黃葉
費招尋行李歸來秋又深報君樂職中和頌二月間人土詣郡借

韻詞出君手

爲汝商聲梁甫吟

輓端木舍人

國瑚

端木子青田翁聲名高徹天九重公卿交口挽不住走
死遂昌山谷中此翁爲人眼多白萬卷撐胸謙不得羅
憲何慚子貢才戴逵不是王門客元武湖居庸關平生
游迹詩卷閒手持青山獻

天子還此拂衣尋釣竿著書太元頭太白時人不知諂
執戟後世揚雲望渺茫前身明月秋蕭瑟我不能爲耒
陽令牛酒醉飽君又不能爲當途宰綴緝君遺文十載
相思一相見回首悲風吹石練

君卒於石練吳
榕疆孝廉家

江楓湛

湛不歸來菊野暉暉罷郊餞君不見含暉之洞高蜿蜒

待君文者七萬年

含暉洞古無銘志君以今年九月初二日來遊鐫銘其上距君卒纔二十

日耳蓋絕筆也

浮生露電要有盡令名永與山俱傳

周春舫教諭屬題尊人書巢詩鈔

我讀書巢詩如見巢翁心問翁亦何爲白頭一青衿尺
筆不在手嫉俗徒規箴遙遙瀟湘渚望望桓山禽泣墮
范喬硯心傷伯奇琴匡居四十年窮鰥守寒溇一月無
母兒晝禠夜共衾作父乃兼母兼師力能任有時勞者
歌無礙高人襟嗚呼大雅淪淫哇日相尋詩禮以發冢
虛車飾璆琳豈無文章士高論橫古今空空窺所藏敗

絮而黃金何知念長枕莫解求遺簪哀然金粉集傷哉
遊子吟以茲令騷壇不如默而瘖翁詞則甚質翁德則
已深當時抱中兒今復師士林寄言夸浮子式此瀟朴
音

九月二十五日偕俞芾邨秀才

召棠

遊含暉洞

枯雲架空癡不飛天風削之成翠微久聞嵌空足洞府
造訪豈憚窮崔巍到門熟視不敢入恐以老病侵陰霏
呼僧作黍快一噉飽暖庶可當寒威初遊靈泉黝深黑
像設離立紛金緋

靈泉洞在
含暉洞左

旁緣一逕下空碧承趾險

藉苔花肥豈知複甃深更暖相顧欲脫來時衣倒茄回
照開藻井立竹十丈當巖扉煙霞激激自朝暮日月出
入生光輝方枲何事界文石物外未息人間機共言康
王昔避地於此選立民家妃果爾令人足悲詫患難不
悟荒淫非早無君親與家國和議後來何足譏傳聞一
時有附會山水千秋含清暉中間避世實如礪誰能藏
書周四圍時彈瑤琴和流水或煮白石娛朝飢我衰久
作故山想偶此澹對還依依恨無陽冰擘窠手高臺便

擬書忘歸

遊南明山寺

我昔春宴蓮花山

在城中卽萬象山也

隔江坐數煙中鬢鐘聲搖

盪暮天碧此寺正落杯酒間西風蕭散吹秋思還訪富

時杯底寺孤筇來往不逢人黃葉白雲相嫵媚我遊石

梁下空翠冰我衣我遊石梁上俯瞰虹腰危高鷹一哨

眾山響催我欲跨蒼龍飛

石梁百十餘丈古昔班駁望之如游龍矣

印月池

中瘦波舞獻花巖畔花陰午丈室難尋萬卷泉風林或

有三平虎靈崇石南明山葛書米迹輝人寰跛僧錯愕

不知處語我且看江天寬

山有印月池獻花巖諸勝唐僧三平嘗騎虎往來宋僧佛

慧曾與東坡唱和叢林謂之泉萬卷嵩雅川隸書靈崇
二大字米襄陽行書南明山三大字皆摩崖訪之寺僧
云不知也江風漠漠江煙暮夕陽畫出歸時路城中擾擾足
紅塵無人肯向閒中住

古意一首

白露下百草眾綠日以蕩英英霜林菊獨爾揚芳鮮盛
衰各有時物情豈不然如何夸毗子保已思百年持彼
蒲柳姿憔悴而怨天豈無千尺松青青冠崖巔花時外
澹漠實理中纏繇不喜故不懼運序隨推遷君子貴立
身毋用快目前

懷古詩集卷之二
采菊步至壽光宮

山晚桂樹寒雲定竹陰午原野靜無人幽花自今古溪
芳深自照石翠粲可數居潛謝蜂蝶入用辨甘苦齡顏
詎煩制意得聊復取丹楓映歸途白首悵延伫沙禽啼
一聲山色浩無主不逢章道人獨共病僧語

十二月二十九日王小舟葉萊峰俞芾邨章楚材
諸秀才招餞妙高書院口占志別

誰教臘日更山行拚得妻孥苦笑人明滅樓臺天欲雪
蕭疎松竹地長春依依文酒歡今夕擾擾風塵感客身

遙指侵雲雲外路明朝回首定傷神

留別遂昌士庶詩五首

戊戌

我本布素者鉛槧性所耽以茲一日長喜與多士談顧
惟五日尹作興力未堪諸君謬不棄見謂澤已覃贈詩
未敢讀模範吾多慙

此邦夙多士龔深尹堯甫窺聖涯窮達雖異數體用皆同

規後來或不繼勗哉文在茲立志貴遠大毋安田舍卑
毋矜虛車飾而爲習所移

讀書學何事尺柄偶得操繫豈無微勤九牛之一毛而

忽不及察罪已邛山高余心幸汝諒不我相訾警靜言
撫深夜每用愧爾曹

爾曹自依依我別亦豈禁孝弟勤儉讓聽我五字箴今

侯明且慈力能教養任謂馬毓泉明府汝知臨歧別何事繫我

心婦女無常職桑麻未成陰勸種桑麻尚無成效

右軍罷會稽卽爲會稽民嗟余亦有志樂此風俗淇瀨
行載雨雪或者天畱人艱難草堂費何時抽此身一塵
倘許愛來問桃花津

正月十二日大雪盈尺十三日余發遂昌承葉桑

庵廣文端及諸生追送河橋復次前韻以志別

感

連夜霏微爲洗塵天公作意送行人千山曉日流殘玉

一路梅花看好春風雪河梁詩酒地巖與章生文梓等遊唐山嘗憇此橋

曾幾何時遂爲握別之地太平鐙月別離身先是鄉人畱過燈節方行倉卒倚裝遂負其約

前途各勉千秋業不用臨歧暗愴神以上節鈔平昌集

閏四月初九日偕趙一漁吳秋伊周獻湄湖上作

林煙曙色深湖雨游蹤淨孤舟召春人一櫂入寒鏡遠

山如有待一一曉妝靚雲泉證幽尋魚鳥愜吟性梅殘

陳迹留荷開後期更奔駒感光景秉燭拚觴詠浮家平生志多事幾時竟老塔工闕人無言自窺映夕陽送歸蓬忽忽復人境

陪阮賜卿公子

福

遊阮墩卽題其湖墩消夏卷子

認得君家湖上墩柳絲涼帶落霞痕勝游已共閒鷗約舊事宜邀野老論十里荷香曾鏡淨幾年葑老又雲屯
東山絲竹如重到還許門生侍酒尊

與詹孟雲

璩

避暑五昌館

城市有林棲清風引杖藜雲來松鼠吠花落竹雞啼入

筵上香花日日開
人天爭看八關齋
生天成佛尋常事

且爲湖山化鶴來

子範爲尊甫秀峯
年伯設薦淨慈

內景無由問葛洪
如何到處有遺蹤
丹爐燒出千年塔

合讓黃妃占此峰

雷峰亦有葛
稚川丹臺

長日經魚粥一甌
桂花香裏憶梳頭
從來垂柳垂楊地

只欠春風燕子樓

淨修庵尼松德故蘭
谿縣丞陸君安也

據鞍驚見紫髯翁
老眼看花氣倍雄
甫也諸侯老賓客

莫令攜酒累羣公

夢薊騎馬
故調之

長耳庵深路屈斜
千年遺蛻俗爭誇
怪渠色色空空相

也管人間結子花

法相寺舊名長耳相庵有唐僧行修遺蛻求子多驗

土饅頭裏夢曹騰不見雲中百歲僧剩與法徒談往事

不過饑食困眠人

法相寺僧月輝百有二歲聞名來訪乃以二月先化去

武穆精忠不可攀尙書曾此拜遺顏誰知身後一坏土

喚作于墳配北山

路轉風篁翠作堆頽垣敗瓦付蒼苔但令元慧還開座

會有蘇黃解帶來

誰家丙舍枕湖濶籬槿墻花自在春恰是南山幽絕處

年年清福讓墳親

碧荷開鏡柳吹綿漸是西湖競渡天城裏勞人渾不識
只憑櫻筍報芳筵

韜光庵作

萬綠鎖羊腸盤空出上方梵聲雲盪遠人影竹籥涼隱
几江湖濶迥檐日月忙殷勤慚老衲留客試甌香

子範月鄰小孟皆有和作復次前韻一首

谿流曲似九迴腸尋盡谿源到上方幽鳥戲晴林日碎
穉龍含雨洞雲涼仙山有約遲同住人海無涯坐自忙
爲語僧雛休羨客向來孤負佛爐香

吳聖俞秀才

咨

爲余畫杜鵑花便面戲題

蕪盡田園漸憶家
我行躑躅向天涯
不如歸去誰相勸
只有圖中解語花

題桂杏農都轉理安訪夢圖卽次自題原韻二首

都轉兄桂文敏公

芳

出使道卒武昌見夢於曹

文正公曰吾二人前生皆理安僧吾先歸矣文

正公述其夢於朝而奏報適至都轉有自記

述其事甚詳

黃葉白雲秋半湖
夢痕寂歷今有無
九谿新晴瀑濺珠

理安有九
筵十八澗
翩然扶筇屏
騶呼北山梅
妻鶴作孥
眾觀駢
聞非我娛
木樨之香
聞須與清
鐘一杵松
門紆繩牀
經案誰所
廬當時有
鄰德不孤
坐對香篆
縈簾鬢異
花晚忽開
菖蒲化天
人師爲丈
夫華嚴劫
滿更朝哺
歸尋禪褐
辭賓瑜仙
山無人空
畫圖夕陽
想像音容
餘上階
蝴蝶疑羽
遽清游我
欲隨坡逋
鶴原句好
難追摹

風景不殊
花滿湖山
中宰相今
有無我聞
一客先還
珠夢中過
門輒相呼
似嫌世好
縈妻孥歸
去來兮泉
石娛鵬鷗
椿菌皆須
與擾擾何
事金章紆
有生七尺
真蓮盧

本來面目江月孤涼非巾幗非眉鬚卽今西風獵菰蒲
空山蕭然訪牧夫杳無行迹日欲晡松巔危坐依瓊瑜
宿因且付王鞏圖未能從公休暇餘拙宦內猶慚寧遠
強作達語償詩通山身谿舌不可摹

藕香居

秋窗面林塘湖煙曉如夢定有採花人時見高花動

嘉善道中口占

九曲魏塘西花邨楊柳隄日斜紅稻熟風轉刺菱低小
艇雙蓬漾高樓萬瓦齊吳歌何處發驚起鷺雙棲

周素夫詩來勸余歸答之三首 庚子

風塵滋味近來諳，叔夜才情七不堪。敢斥汝陰爲白刃，

幸容夷甫作清談。種田令待傳彭澤，招隱書猶寄嶺南。

忽換頻陽知不稱，游山腰腳事朝參。

上虞雖失幸得臨安，換署嘉興地當

衝劇深恐如薛恭之在頻陽吏職不辨也。

多謝雲中倦鶴呼，行藏事大不糊塗。隱巖到處饒松徑，
故國平生欠橘租。辛苦樓船橫瘴海，清閒風月讓西湖。
能來且共誅茅住，寄語行吟楚大夫。

回首鄉關有事秋，仲宣何處賦登樓。最難謝客仍爲客，

未必清流勝濁流，惟士無田君亦爾。其賢避世我深愁。

羅浮猿鶴應警告，江上何郎正挽舟。

時方送星使

龔定庵主事

鞏祚

訪余鴛湖，余以梅花十株供養。

五日於其歸也，畫梅爲贈，系以小詩，卽送其游。

羅浮

鴛湖花開雪初霽，東風吹送佳人至。閉門五日坐香邊，忽憶羅浮遺拂袂。羅浮湖畔玉千林，笑我風塵老不禁。月下相逢煩寄語，歲寒終不負初心。

爲王梅峰

懋康

畫梅題

君梅花在峰我梅花在田
峰花語田花高處清寒偏平
地實膏腴羨君顏色鮮
田花亦有語仰瞻香在天
峰雲伴獨立峰月陪高眠
願惟堅瘦姿却塵墮喧闐
處脂不自潤未能免寒酸
不若隨高人致身青雲巔
永無攀折傷不受眾目憐
一笑將移根問君然不然

題畫梅寄李曉原南和時屬昆吾持寄昆吾將試

京兆故有落句

我家蘿岡賣
禺冬冬梅花白夏荔紅花
時攜君紫洞艇
長裘短笛吹香風
一別寒香今八載
我服塵鞿墮人海

西湖風月不成春觸撥鄉愁常自悔君戀官厨苜蓿甘
蘆簾紙帳雪花酣南和何有有衰柳遠夢不落珠江南
江南梅花笑行役春苔荒遍相如壁一枝還倩出山人
寄語天邊倦游客

以上簡鈔
杭嘉集

十二月二十一日奉大中丞劉公檄往查溫台海

口夜自鎮海登舟大風口占

多壘誰能惜遠行長天如墨賦東征鵬搏鯤徙風前水
鐵馬金戈夢裏聲海上樓船誰事業塵中琴劍自生平
皖江奇捷原難料莫信書生只犒兵

桐嶺

北風吹梅林

地名

寒日翳復吐須臾野陰合岵嶠斷峰拄

飄然曳籃筍瞥若浮芥羽千山走波濤一笠帆

去聲

雲雨

空台指疆界鎮定想金鼓游仙誠足慕橫海不猶愈及時功未成撫景行獨踽連岡二十里去去漸亭午遊憩道士橋前程默自數

胡陳

胡陳渡口時高春山山出雲以自封或掩而窺闢而立楊花糝破青芙蓉我行肩輿憂雲出潮落遠應黃昏鐘

危石歷歷涉馬齒懸藤裊裊畱猿蹤見鷺嘲咬自成國
呼風踏浪紛追從居人魚麥足羹飯強弓毒火能相容
惜哉海塗近百頃圍潮養稻無良農膏腴之地號斥鹵
坐令年年逋正供誰歟牧者友高子多壘方且籌邊烽
到官十日事亦舉教養未暇非關慵公家事迫有程限
簡書我亦愁怱怱古人游跡不到處題句畱待他時逢

西溪嶺

溪尾泝溪頭溪聲噴客來嶺頭望嶺腳山色青成堆十
丈百丈石千古萬古苔紀年竹書拙束藁松園開當崖

出破寺南陽餘烽臺緬維少保胡策倭稱將才置墩二
百三一一皆親裁往蹟備新警後墪因前坯要爲十全
計肯惜九府財

行者嶺

岡腰

邨名

息午駕極目問所臻獨樹表雙嶺敗葉鳴荒闔

搖兀不得上北風如轉輪頑雲滑有路破寺孤無鄰冒
僧疥其頸像設胡爲陳殘徒乞食去畱茗供行人了然
窺其室一甕無襦薪乃知窮山中苦行自有真

錢司寇墓

唐

道有干城寄天生禦侮人片言取卿相一矢悟君親墓
木青畱柏池花潔有蘋玉峰山下路千古見精神

東溪嶺

積雨戒行旅王事敢宴安東溪有高嶺初嫌路詘蟠攀
躋及其頂直下千尋單我無猿獠步繫命於輿竿濃雲
忽遮道咫尺天漫漫四顧無所見凜然生午寒居嘗厭
塵墟結想青雲端居高乃知危行路良獨難何時下平
地肆志而盤桓

昌國衛

猶是長生隊裏軍沿邊千里待離藩好山坐擁青黃部
大海平分左右門烽火自應思信國城爲明信國公湯和建樓船
不止禦孫恩南田南去無多路豕突須防釜底魂

霞前渡

動天風色慘殷地海聲怒我行渡霞前窮冬日方暮凌
兢泥雨滑輿子客前步擲身入高浪俯仰天四顧闔房
豈不安簡書實多故前箸無良籌長纓有夙慕負楯聊
習勇乘桴且隨遇一笑語僕夫前邨見寒樹

辛丑元旦寧海縣作

惜日全詩集卷二
是非今昨紛何從形役勞勞無定蹤四十九年人間世
萬八千丈天台峰拂衣幾時了公事煮石便自稱山農
胡麻飯熟不歸去開過桃花雲洞封

初二日雨雪與史雅堂高竹溪觀地圖作

坐擁貔貅亦壯圖鴻飛南海寄書無城頭雨雪鵝聲靜
掌上山川蟻垤孤風角自應占謝艾海游及早用張鈇
流民只望中丞節肯畫機宜贊

聖謨

躍龍山方正學祠

緜城風雨晝愔愔正學祠堂慘不春書法千秋難誰纂
功名十族盡成仁廷平誰執臯陶法周禮休繩魯衛親
惟有高皇識端士九原相見泣孤臣

初二日發寧海

晴入雞聲喜氣通出門吹面受東風緣雲路滑支持慣
到海山奇比擬窮剩欲折梅無驛使偶逢種菜想英雄
平蠻諸將如雲在誰奏金塘第一功

用盧鏗事見籌海圖編金塘之捷

宿瑞雲山廣潤寺

不見楓槎帛道猷雲中紺宇自千秋林高暝集銜花鳥

宋寺僧慈雲說
法感鳥銜花
海靜春來狎浪鷗肯借禪牀安旅夢愧

將塵面照清流防旗戍鼓沿江遍應是空門得自由

大角營

筍輿行遍白楊聲風日蕭蕭大角營溪水戀人橋九渡
雲山閱世石三生田畱舊雪初浮麥洞鎖新煙尙蟄鶯
邨社不知城市事從渠簫鼓報昇平

拗嶺

積翠遠成嶺瞻高近無路蟻穿方右旋螺盤忽左顧曾
冰慘不春亭午凍猶沍倚天石僵立拂地雲暗度溪深

下聞聲竹密上防露三休惜雙屐一讓枉百步平生與
世拘茲行若予悟江湖胡不歸戎馬正多故

立春日至太平作

也有東風到海鄉六街拖屐看勾芒春陰畏說牛頭白
秋稔欣占水腳黃十錦溪山心事負千山行李髻毛蒼
耕田鑿井須人力莫更貪天鹵莽償臨安皆山田喜潦
畏旱方與土民約
乘春無事爲之與陂塘之
利愼愼捧檄遂不及行

至太平柬劉賓客

溟濛煙樹鎖樓臺曉入橫湖畫檻開消水拖藍分牖去

柏山飛翠入城來，春多雨雪關兵氣。戶有絃歌見吏才。

卻怪大馮還左計，要居滄海棄蓬萊。

舊尹馮侶笙現擬調定海未果

石夫人

卽望夫石也在太平縣東南十里驛肩微步雲髻峩峩拔地冠山遙瞰鉅海七子羅

列形神
逼真

初日消湖曉鏡新，雲鬟妝出石夫人。有兮美子自堂下，癡絕玉郎仍海濱。嫋嫋風來吹薜荔，悠悠水長足鱸膾。何時了卻公家事，我亦天涯負好春。

楚門渡

黃門急楚門，漩無事經年莫相見。大潮明送暗礁迎，只

恃高帆與風戰山南海氣晝昏昏分水山東是楚門東
海潮來南海退玉環風雨夜深聞

玉環道中食黃甘

雲髻峩峩金縷袞詩喉一劑浸香雲肯修陸吉通家禮
不是劉基嫉世文故國風霜仍結實天涯草木也含芬
灑西若許閒人往便築山圍手自耘

上元日次門作贈朱勿軒司馬

煌

我行忽至海茫茫身外空濛卽大荒南斗星辰衝要地
上元燈火太平鄉相機制敵逢韋叟先事籌邊憶贊皇

玉環自李宮保衛奏開封禁改樂大
盤三營水師於此以爲温台藩籬
見說人心思制梃
好將威信作金湯

東靑嶺下見梅花

東靑嶺半轉斜陽幾處梅花映草堂時有白雲來比色
不妨流水共分香老農見慣從開落幽鳥相過話短長
老我平生無一樹年年行役感殊方

發嶺店入雁宕山作

天上芙蓉五髻鬢高靑擁出大荆關披雲迎客僧千尺
老僧巖千尺兀立
占水噴人雁一灣眼底卽應無世事詩中從

此有名山謝公屐齒真堪惜咫尺溪行卻自還

謝靈運有斤竹

嶺越澗溪行詩斤竹嶺卽入山西路

石梁洞

擬宿於此僧以洞窄爲辭

恐是驚虹化庚庚赤玉紋
坼天通日月拔地渡煙雲
門小懸藤引巖虛滴水聞
山僧辭宿客清景怕人分

靈峰洞

掌中紋路認螺旋攀盡飛梯更有天人氣
忽衝鍾乳滴佛光剛對日華懸
雲頭石筍多於竹嶺頂靈芝大似船
借問老僧常住此往來曾遇幾飛仙

淨名寺宿

繞翠圍青路屈盤聞鐘無處覓禪關
亂雲濃似三春水
片石高於千仞山
嵐氣欲迷師子座
雁聲來認蓼花灣
龍湫倘識朝來約
合遣乖龍帶雨還

曉起

風塵何處息勞機
一宿名藍夜氣微
捲地松濤狂壓夢
黏天空翠冷沾衣
日緣石隙高難上
雲戀人間曉未歸
不用鐘聲遠畱客
出門回首定依依

靈巖寺

四山陡合路不分石筍怒迸春空雲萬年一寸澗松冷
十步三休龍洞曛人間流水頭上過杖底啼猿天半聞
茶甌難解愛山渴坐對屏風金碧紋

大龍湫

上不見銀河浩浩來高原乃是支機石上曳出龍子旛
下不見尾閭汪汪泄東海乃是鮫綃窟裏錯落明珠翻
中間非雨復非水淡霧濃煙隨比擬霞驚灑灑繞晴空
日照斑斑散紅紫懸而爲雷曲作虹注視不動山濛濛
忽然飛捲百步外遊人駭避紛西東東西南北不著壁

直下石牀摧霹靂錦被石平鋪百丈寬萬古千年蘚花
碧十里訝雷響對面乃不聞開胸拓臆貯冰雪但恐高
巖四合將斜曛地老天荒相對好只有巖前天柱老一
條下地一上天直插繁花向晴昊晴天那得雹隆隆亘
古挹注無終窮雁之宕兮不在三天之上大荒之東諾
羅經行路猶通芒屨竹杖不難辦一丸試塞馮夷宮

由能仁寺過四十九盤山至芙蓉邨

回頭行盡石巘岼奇外無奇又改觀漸暖洞雲初釀綠
入春林葉尙畱丹寺無前後三三眾

入寺不逢一僧嶺有高低

七七盤見說芙蓉名字好爲君四面競來看

四十九盤山下得石如斷霞

雁宕風高五月寒凍霞吹墮碧雲灣青天靳汝成龍去
白晝容吾衣錦還來路一千三百里外家四十九盤山
彈琴坐對如堪飽行矣羅浮卽閉關

黃華關

碧水晨開鏡黃華古置關雲迎窺海日潮拒出洋山
烽火懸樓櫓炊煙數闌闌洞蓮紅白在程迫倦躋攀

由館頭乘小舟泛海至龍灣

列戍春雲外輕舟明鏡中殘潮三十里初日一帆風戒
有垂堂切心緣擊檝雄水犀須破浪遮莫負艤臙

永嘉見榕樹

別汝羊城社相思八載強斬新驚老眼依舊在他鄉雲
綴高根碧春催病葉黃早知無用好得保壽年長

平陽道中望南雁山作

一峰俯送一峰迎離立如聞笑語聲南雁迴翔真自得
白雲飛映最多情倥偬行李青霜劍縹緲樓臺紫玉笙
鶴背仙人漫招手橋邊孺子正談兵

大魚嶺

平陽南七十里
樵關在其下

晨尋江口駕午命金鄉飯問程指雷雨積步計分寸入
幽始舒息升高復鬪健蕨磴宿冰融茶田早香嫩穿林
玩煙瀑選石牽雲蔓眼憑巖嶺放關倚海山建後屏高
據三前鏡豁含萬逆旗敢予侮長纓有夙願一扣諸將
營容發狂夫論

梅嶺

曉程指蒲門曙柝耿猶擊輿夫望高嶺怵若臨大敵橫
行帆折風高攀蟻沿壁路轉忽前藏聲尋復旁覲羣山

淡無影濃霧黃初暮小憩梅昆亭賈勇更前適問名觸
鄉夢歷險緣羽檄幾時靖烽煙歸耕耦沮溺

喉嚨嶺

崢嶸石塘南窄嶠雙排北咽喉一綫路驅黃十駕力輿
眠脰猶帽落步面皆墨腰腳我何費僕夫已蒙德杖藜
聊從容花鳥亦自得水流今古磬石變朝暮色坐閱來
往人穰穰浩無極懸崖雖可磨微名不須刻

赤溪

溪中石色
采翠萬狀

驚流東下幾時還石陣縱橫設九關一幅插溪鵝紺碧

萬頭籠日鹿皮斑怪宜狂士濡頭畫危藉行人折竹環
獨有神靈應念我游山腰腳不禁頑

溪旁一石欲墜行人折小竹環而拄

之云可禁腰痛也

三步

礪平陽南一百二十里

三步仰而楣頭步俯而檻中步獨隆然胄色不可犯崖
陰聳巨石新雨空翠斬峰巔餘古埃老樹風煙黯經營
始胡公禦倭率哮闕一步有百計釜魚敢溲瀼妖氛今
蠢動國契復狂慘誰掣海上鯨我憶軍中范卽奏橫海
功早習凌波艦

太白

黃霧黃昏暗昏昏未肯晴日猶含色象爾獨有光明殺
氣誰能厭兵機久已萌臯謨深遠極止戰爲蒼生

蒲門沿海田甚少其人苦草而居多以釣帶魚煎名

鹽爲事居恆亦知務業及遇客舟獨行或遭風
水輒聚而剽掠此輩貴財賤命輕風濤如平地
招而用之皆勇士也作歌使里長示之

白日浪頭飛黑天梁上客平陽小賊船名浪頭飛又稱匪口號爲黑天生理彼

獲皆不耕人失而我得爾徒乃自苦獨漉膚革腊曝水

使成沙煎黑以爲白茅炊饅婦子海桴呼主伯釣帶犯
波濤談笑滄溟窄營營錐刀微一一血汗赤越畔豈無
思

王章不敢數胡爲見可欲呼類惡作劇一朝供飲博全
家陷刑辟義利爾則昧利害爾當擇英夷茲犯順載壽
求貿易據我定海城王官死其職奪我沙角臺擄掠我
舟楫彼船多珠寶花錢萬箱積其徒拙身手登岸足盤
躒爾能槌而斃富貴在頃刻上以酬

國恩下之美田宅不見張將軍

福建臺灣鎮總兵張琴
蒲壯人以鄉勇起家

珊瑚氣烜赫始隸鄉勇名遂階通侯籍高蔭逮子孫餘
波潤親戚庶幾賢椎埋作歌爾當繹

鎮下關

平陽西南百六十里與福建交界處溫州
福寧兩鎮總兵每年五月十三日會哨於

此

虎頭西去界閩疆日出瑤門海色涼天險北憑三步礮

風聲南捲七星洋衣裳兩鎮尋常會烽火連營要害防

此地昔年商舶聚寄言諸將莫耶當

戊卒言前明南不
通北北不通南閩

浙商船皆
交易於此

發蒲光

山色空濛碧未醒春禽催曉語丁寧一橫浸樹煙光白
四面圍人天影青雨送潮來搖響約風吹瘴過撲解篔
紅梅綠竹誰家屋日射南檐戶尙扃

車嶺

煙開車嶺見人家客裏逢春感物華
磬頂黛雲濃媚日橋邊新漲緩流
花肯分竹外三分水便種門東五色
瓜啼鳥有情應笑我竟成何事走天
涯

行車嶺上看磬頂雲氣作歌

高不必萬八千丈天台峰奇不必四
明五泄誇天工

蒲隘阻車嶺北磬頂之山雲所宮初看一縷起空碧漸
而如環繞孤石圓裁翡翠赤珊瑚正映滄溟東上日冉
冉高青擁髻鬢湘囊六幅錦紋斑美人胡爲隔秋水動
影窈窕沖融間重疊難分山四面迷離散作花千片忽
吹濃霧望全昏乍轉長風觀又變金碧連天圖畫開爲
城爲郭爲樓臺張騫攜石乘槎至王子吹笙跨鶴來芝
田誰闢東西畝碁局正逢南北斗素書一卷卽吾師胡
不歸來遠招手抱朴子李鄴侯時來道暫謁功成身不
留君不見穰穰滿眼青山稠天上分明有宮闕人間何

處無丹邱

北旋經三步礪

高壁翠如流一瀉落深澗空潭媚初日熠煜金碧幻行
行過三步中步立而盼似喜遠遊歸頗怪退朝晏嵐瘴
彼則那水石此麤辦君看白茆屋穩架青雲棧乳泉白
可釀高茶綠將綻何點充亦隱潘岳拙猶宦胡不歌棲
遲深防糾舒慢

潘岳詩朱
博糾舒慢

赤溪石絕佳然有神不得輒取予默祝擲小石卜
之得紺色如龜者一感而作歌

赤溪溪石萬千狀虎爪龍而怒相向雨工靦腆寄書愁
阿香鼉鼓推車上鎔冰作骨露爲脂一品衣裳雲錦披
蘿煙竹月相嫵媚今古游人都未知相知默向山靈祝
曾波渺渺愁予目外人如戒口緘三先幾已告龜藏六
未合時宜拚此生蜘蛛網裏早堪驚不因戎馬生郊辱
人向泥塗曳尾行

小獲

海靜潮初落山高瀑正懸認泥狐迹巧鑿石螭房堅花
隱孤城戍雲盤上嶺田關心斜照裏新瘴薄如煙

一奇也

罨畫溪山點綴工，碧芙蓉繡錦屏風。人行七寶樓臺上，
春在千花塔劫中。鳥語暗催新樹綠，海聲高拍夕陽紅。
書生眼福南來飽，折抵封侯綬幾通。

發金鄉過南嶺至炎亭

連朝困攀躋，聞嶺輒頤蹙。南鄉覲茲嶺，偃蹇快一蹴。未
能蓄雲雨，聊復蔭松竹。筴杯表仙巖，升沉爲誰卜。黃緣
看逕石，點畫列星宿。嶺腳聞海聲，潮頭射雨鏃。南據大
魚高，左顧白羊伏。異時帆影過，瞥日浪花速。藐茲盡茅

欄幸不驚賊目敵臺等兒戲國事悲僮僕恬嬉久成風
回首堪痛哭

題筍輿

六扇牕櫺都不安芙蓉八面四圍看亦知風雪侵淩極
錯過奇峰再見難

舩艚道中

人家分占碧芙蓉油菜花開媚午風長日無人山影靜
縹車聲出柏林中

廖家橋

流水無聲曲曲通
遠山經雨碧空濛
桃花一樹春煙裏
映著蓑衣分外紅

荼花黃近夕陽邊
幾處燒畬散野煙
郎把長竿儂帶纜
門前停著罽泥船

官山

東風吹曉雨濃淡
灑春雲樹色沿江出
潮聲隔嶺聞海
天真空濶烽埃漫
紛紜不有求和議
難憑破浪軍

以上節鈔

從戎
上集

懷古田舍詩節鈔卷之二終